

Korɛntɛ Shɛɛn **Tudunmɔɔ Pɔli ya sɛmɛ nizhiimɛ** **wemu tun Korɛntɛ shɛɛn mu ge**

Jagɔ ye mu we sɛmɛ we d'a tun wɛ?

Pɔli w'a we sɛmɛ we tun Korɛntɛ egilizi wu mu. Korɛntɛ wu li bye Girekii fiige ki kugbɔɔ le. Kegaana tapyege kulo li bye lii. Yeeponɔ ni yebayaa gbaara Pɔli ya pye Korɛntɛ ni egilizi wu sinduun wu ni (Kapyegɛe 18).

We sɛmɛ we kakana juɔɔ

Tuun wemu ni Pɔli ya we sɛmɛ we ka ge, lee bi wu ta Efese kulo li ni, Azi fiige ki ni. A Korɛntɛ shɛɛn pii di shɛ foro wu na, na wu yege keree kii na. A w'i kee wo jɔshɔɔɔ ka sɛmɛ wu ni. Girekii pu bye Korɛntɛ shɛɛn. Kawagaa nijɛhɛɛɛ ki bi bye wà Korɛntɛ egilizi wu ni ge.

Korɛntɛ shɛɛn bi taa taa. Lee wuu na Pɔli ya pu yiri na pu pinne, p'i bye nigin. Wee tuun wu ni Fɛfɛɛɛ Munaa l'a loolodahaa kiimu kaan ge, a Pɔli di kalaa kan pu mu kee wo shɔnrigana nizaana shizhaa na. A wu xhɔ na jo sanha taanɛɛɛge shizhaa na we sɛmɛ we ni (1 Korɛntɛ Shɛɛn 13). Wu funɔɔ ki bye w'i pu yeri, n'a daa fɔɔ ya yaa na doroo torogana lemu na ge, p'i lee cɛ. Wu funɔɔ ki bye p'i Kile pɛlɛgana li bɛ cɛ.

Sɛmɛ wu kafila jugbɔɔ

1 Korɛntɛ Shɛɛn 1:1-9 Pɔli fò mujuu.

1 Korɛnte Shɛɛn 1:10–4:21 Bɛganhara temu ti bi waagi leni pu tɛ ni ge, Pɔli ya jo ni pu ni tee keree na.

1 Korɛnte Shɛɛn 5 Ná wemu w'a dɔdɔɔɔ ti pye ge, egilizi wu sipyii p'a yaa na wee yeege puyɛ tɛ ni.

1 Korɛnte Shɛɛn 6 N'a daa fɛɛ ya yaa na puyɛ kiiri n'a daa baa fɛɛ mu wɛ.

1 Korɛnte Shɛɛn 7 Cɛlɛɲɛnɛ ni gbajiire ni gbaxɔɔɔ.

1 Korɛnte Shɛɛn 8–10 Yapɛɛɛ xaara keree.

1 Korɛnte Shɛɛn 11 Kile pɛlɛgana egilizi ni, ni Kafɔɔ fɛfɛɛɛ yalige ki keree.

1 Korɛnte Shɛɛn 12–14 Fɛfɛɛɛ Munaa jidaan li wo loolodaa keree, ni taanɲɛɛɛ keree.

1 Korɛnte Shɛɛn 15 Xuɲɛnɛ li keree.

1 Korɛnte Shɛɛn 16 Wari wemu p'a pinne la baa fɛɛ pu wo dɛɛ wu kaa na ge, ni fò keree.

Pɔli ni Sositɛnɛ fò mujuu

¹ Nɛ Pɔli, Kile ya nɛ wemu yiri wu jidaan funɲɔ ni, na pye Yesu Kirisa wo tudunmɔ ge, nɛ ni wù ceborona Sositɛnɛ, wèe p'a we sɛmɛ we yàa, na wu tun yee mu.

² Yee piimu pu ɲɛ n'a daa fɛɛ Korɛnte kulo li ni ge, Kile ya yee piimu yiri na pye wuyɛ wuu, na yi pye fɛfɛɛ Yesu Kirisa wo kariɲɛɛɛ ki funɲɔ ni ge. Na fara lee na, yee piimu bɛɛri p'a wù Kafɔɔ Yesu Kirisa mɛɛɛ ki pɛlɛ na yi yaha xuu wemu bɛɛri ni ge, yee bɛ mu wèe ya wu tun. Wèe Kafɔɔ wu ɲɛ wii, na ɲɛ yee bɛ wo. Wèe ya yi shaari:

³ Wù To Kile ni wù Kafɔɔ Yesu Kirisa wu niimɛ ni ɲaɲɲɛ kan yi mu.

Pɔli ya baraga tɛri Kilɛ na Korɛnte shɛɛn wuu na

⁴ Nɛ baraga tɛri Kilɛ na tuun bɛɛri ni yee wuu na. W'a yee le niimɛ ni Yesu Kirisa wo karijɛɛgɛ ki funɲɔ ni, lee wuu na nɛ baraga tɛri wu na.

⁵ Yee na jɛ ni Kirisa ni karijɛɛgɛ ni, Kilɛ w'a yanɲmuyɔ bɛɛri kan yee mu. W'a kafila jogana wo lajɛ kan yee mu, na Kilɛ koro li bɛ wo lajɛ kan yee mu.

⁶ Kirisa jomɔ pu wɛɛ ya jo yee mu ge, yee ya pu kemɛ logo, na pu mara xuuni yi zɔɔɔ pu na.

⁷ Lee funɲɔ ni, yee piimu p'a wù Kafɔɔ Yesu Kirisa wo cabaɲa ki sigɛe ge, Kilɛ wo loolodaa la shishiin ya ta xuunɲɔ yee na wɛ.

⁸ Wee Kilɛ yɛ pyaa ki da ba fanha kaan yee mu, fo na shɛ nɔ wù Kafɔɔ Yesu Kirisa cabaɲa ki na, kɔnhɔ jaagi xuu wa shishiin ganha ba da yi na kee caɲa wɛ.

⁹ Bani Kilɛ jɛ jɔmɛɛ fɔɔ. W'a yee yiri na pa lenɛ wu Ja Yesu Kirisa wo karijɛɛgɛ ki ni, wee wemu wu jɛ wɛɛ Kafɔɔ wu ge.

Pɔli ya Korɛnte shɛɛn pu yɛri na pu bɛ

¹⁰ Ayiwa na cebooloo, na yi jɛɛri wù Kafɔɔ Yesu Kirisa mɛgɛ ki wuu na. Yi bɛ ni yiyɛ ni! Yi ganha bu waagi wa shishiin yaha wu jɛ yi tɛ ni wɛ! Yi bɛ yaha wu sii baraga ta yi tɛ ni! Y'i binne jɔmɛɛ na! Y'i binne fungɔnyɔ yi bɛ na!

¹¹ Bani na cebooloo, nɛ yi logo wù ceboroshɔ Kulowe wo sipyii pii jɔ na na bɛganhara ti wa yee tɛ ni.

¹² Na pii pu wa yu yee ni na Pɔli wuu pee jɛ; pii di yu na Apɔɔsi wuu pee jɛ; pii di yu na Pyɛɛri wuu pee jɛ; pii bɛ di yu na Kirisa wuu pee jɛ.

13 Wee tuun wu ni, yee wa giin na Kirisa wu bε w'a taa taa γε? Ta nε Pɔli w'a xu yee wuu na korikoritige ki na? Kelee ta nε wo mεγε ki na yερε yee ya batize?

14 Nε na pye nε sipya watii batize yee ni Kiripusi ni Gayusi kadugo na wε, nε Kile shaari lee wuu na.

15 Lee funɲɔ ni, sipya wa shishiin wa da já jo na nε mεγε na wee ya batize wε.

16 Uun dε, can wi! Nε wa Sitefanasi wo puga sheen pu bε batize. Li bu foro pii ni, nε sipya watii cε nige nε wemu batize yee ni wε.

17 Bani Kirisa ya ta nε tun na nε wa batizeli pyi wε, ga na nε wa Kile Jozaama pu yερε li pyi. Nε di wa lee yερε li pyi ni sipyii wo fungɔngɔ fεεε ni wε, kɔnhɔ Kirisa wo korikoritige ki xu wu ganha bu da bye kaɲɲɔ baa wε.

Kirisa w'a Kile wo sefεεε ni wu fungɔngɔ fεεε ti shεε

18 Bani sipyii piimu p'a piin ge, Yesu na xu korikoritige ki na, pee jomɔ pe wo yερε li ɲε pee sipyii pii mu ba nahanahara ɲε wε. Ga na ɲε wèe mu Kile wo sefεεε, wèe piimu p'a shɔ ge.

19 L'a ka bε Kile Kafila wu ni na:

«Nε na ba fungɔnyɔ fεε
wo fungɔngɔ fεεε ti kyεεgi,
na shizhiinmε fεε wo laje
wu pye kaɲɲɔ baa.»*

20 Lee funɲɔ ni, yekε fungɔngɔ fɔɔ w'i da já jo sanha wε? Yekε laje fɔɔ w'i da já jo wε? Kelee sipya wemu wu ɲε ke kɔɲɔ ke wo jomɔ cεvɔɔ ge, yekε wu

* 1:19 Ezayi 29:14; Zaburuu 33:10

bε di da já jo wε? Kile ya ke koŋo ke wo fungoŋo fεεε ti ɲeri pye nahanahara.

²¹ Bani ke koŋo ke, ki ni ki wo fungoŋo fεεε ti ni, ki ya já Kile ce wu wo fungoŋo fεεε ti funŋo ni wε. Lee funŋo ni, Kile Jozaama pu wo yeε le li ɲe nahanahara ke koŋo ke mu ge, l'a taan Kile bε mu nago piimu p'a dà wu na ge, wu pee sho pee Jozaama pu wo yeε li funŋo ni.

²² Ayiwa, Yawutuu pii wa ɲaha sheshεεε kakanhaɲaa shaa p'i kee ɲa ɲii na; Girekii pii di fungoŋo fεεε shaa.

²³ Ga wèe kunni, Kirisa wemu p'a kori tige na ge, wee wo jomɔ pu yeε wèe ya byi. Pee jomɔ pe ɲe ɲugyeεgi jomɔ Yawutuu pu mu, na ɲe nahanahara shi wusama mu.

²⁴ Ga Kile ya piimu yiri ge, p'a pye Yawutuu la, p'a pye Girekii la, Kirisa wu ɲe pee mu Kile wo sefεεε ni wu fungoŋo fεεε.

²⁵ Bani Kile wo keree kiimu sipyii ya byi nahana-hara ge, kee wo fungoŋo fεεε t'a peε sipyii wo fungoŋo fεεε ti bεeri na; kiimu p'a byi baraga baa wogoo ge, kee baraga ya peε sipyii pu bεeri wo baraga ki na.

²⁶ Yi bu li sεeri na cebooloo, yee na li ta na Kile ya yee piimu yiri ge, sipyii wo keree wiigana funŋo ni, fungonyo fεε ɲiɲehεmεε wa yi ni wε, baraga fεε ɲiɲehεmεε di wa yi ni wε, sipyigboɔ ɲiɲehεmεε bε di wa yi ni wε.

²⁷ Ga keree kiimu sipyii ya wii nahanahara ge, kee Kile ya shɔɔnri lo na daga na ke koŋo ke wo fungonyo fεε pu shiige. Kiimu p'a wii baraga baa wogoo ge, kee Kile ya shɔɔnri lo na daga na baraga fεε pu shiige.

28 Kaa lemu sipyii ya jereɲe ge, kaa lemu na sipyii ya ɲuguni ge, kaa lemu ɲe yafin be pu mu-i ge, lee Kile ya shɔɔnri lo na daga na sipyii wo keree ki kyeeɲi, kiimu p'a wii ɲuɲo na ge.

29 Lee funɲo ni, sipya wa shishiin da ja wuyɛ peɛ Kile nahagbaa na we.

30 Wee Kafɔ Kile baraga ni yee ya je Kirisa wo kariɲeeɲe ki ni. Wee Kirisa we wu ɲe we wo fungoɲo feere te. Yesu Kirisa baraga ni we ya pye sipyitiime Kile mu, na bye feere, na ɲuwuuro ta na foro jurumu ni.

31 Lee wuu na l'a ka Kile Kafila wu ni na: «Wemu ba da wuyɛ so, wufɔ wu wuyɛ so Kile wo nibyegge kii funɲo ni.»*

2

Poli wo Kile Jozaama yere Korente sheen mu

1 Na cebooloo, ne kuni ya she Kile wo Kile Jozaama pu jo yee mu tuun wemu ni ge, ne ta na wo kafilacene, kelee na wo fungoɲo feere she yee na pu tajogo ni we.

2 Bani tuun wemu ni ne bye ni yee ni ge, kaa la shishiin funɲo ya tigi nige ne mu ni Yesu Kirisa ye be we, Yesu Kirisa wemu p'a kori tige na ge, fo wee ye.

3 Na fara lee na, na ne yaha yee te ni baraga bye ne ni we. Ne bi fyagi be fo na fuguri.

4 Ne Kile Jozaama pu yere li pye na kalaa wemu kan ge, wee ya ta pye sipyii wo fungoɲo feere jomɔ we. Ga ne bi na jomɔ pu yu, Kile Munaa l'i li wo sefeere ti shee.

* 1:31 Zheremi 9:23

⁵ Kǎnhǎ yee wo n'a daa wu nǎhǎ ganha bu denɛ sipyii wo fungǎngǎ fɛɛɛ na wɛ, ga wu nǎhǎ di denɛ Kile yɛ pyaa wo sefɛɛɛ ti na.

Kile wo fungǎngǎ fɛɛɛ te

⁶ Ga lee bɛ na, sipyii piimu p'a fanha ta n'a daa wu ni ge, wɛ wo kalaa wu jɛ pee mu fungǎngǎ fɛɛɛ. Tee jɛ ke koŋǎ ke wo fungǎngǎ fɛɛɛ wɛ. Sefɛɛɛ te ti wa ke koŋǎ ke juŋǎ ni ge, t'i jɛ tee bɛ wuuro wɛ. Koŋǎ ke ni ki sefɛɛɛ ti wo fungǎngǎ fɛɛɛ ti na ba doro.

⁷ Ga Kile wo fungǎngǎ fɛɛɛ ti wo yɛɛ wɛɛ ya byi. Kaŋmǎhǎnǎ li jɛ tee fungǎngǎ fɛɛɛ te. T'a ŋmǎhǎ ke koŋǎ ke sipyii na. Kile ya ti gbegele yaha wɛɛ mu fo na ta koŋǎ nǎhǎ sanha zhan wɛ, kǎnhǎ wɛɛ di ba pɛɛɛ ta.

⁸ Ke koŋǎ ke wo sefɛɛɛ ta shishiin ya tee fungǎngǎ fɛɛɛ ti cɛ wɛ. Pu da bi ta p'a ti cɛ, pu bi da ga Kafǎ, Nǎǎǎ Fǎ, wu kan pu kori tige na wɛ.

⁹ Ga ma na jo ba y'a ka Kile Kafila wu ni wɛ na tee fungǎngǎ fɛɛɛ te jɛ kaa la:

«Sipya nii sanha daha ja lemu na wɛ;

Sipya niwii sanha li logo wɛ;

Sipya sanha wu funŋǎ bɛ sha su li na wɛ;

Kile kaa ya dan piimu ni ge,

pee kaa na w'a li gbegele.»*

¹⁰ Na ta Kile d'a lee she wɛɛ na Fɛfɛɛɛ Munaa baraga ni. Bani Kile Munaa ya keree bɛɛri sɛɛri fo na ki cɛni, ali Kile wo kaŋmǎhǎnǎ ki bɛɛri.

¹¹ Ma bu sipya wii, munaa le li jɛ wu ni ge, lee l'a wu fungǎngǎ cɛni; ni lee ni wɛ, sipya watii da jǎ ki

* 2:9 Ezayi 64:4

ce wε. Mu li wa Kile be shizhaa na, lemu li ne Kile ni ge, sipya wa shishiin da ga lee ce wε, fo Kile Munaa li ye nigin.

¹² Na ta wèe kunni ya Kile Munaa lemu ta ge, lee ya ta pye ke koṅṅo ke wuu wε, ga Kile ye pyaa ni lee ya yiri, kōnhō Kile ya kasaan̄aa kiimu beeri loolo kan wù mu ge, wù kee beeri ce.

¹³ Lee wo kafila wèe wa yu. Wèe di wa ta na wu yu na be ni sipyii wo fungōngō fεεε ni wε, ga yemu Kile Munaa l'a yu wù mu ge, yee wèe ya yu. Lee shegana le na wèe wa Kile Munaa li wo can wu sheε na be ni liye pyaa wo kafilajo wu ni.

¹⁴ Ga Kile Munaa ne sipya wemu ni wε, weefōo da ga gbara lee Munaa le wo keree ki na wε, bani wu ma kee wii nahanahara keree wuyε nii ni. W'a da já ki naha ce be yeε wε, bani Kile Munaa ye nigin gbōōō ni sipya ya kee naha cen̄i.

¹⁵ Lee Munaa le bu bye sipya wemu ni, weefōo na já da keree beeri naha shōōnri. Sipya wa shishiin di wa da já jaagi shan be wu na wε.

¹⁶ Ma na jo ba l'a ka Kile Kafila wu ni wε na: «Sipya weke wu d'a Kafōo fungōngō ce, ni weefōo na já wu kalaa wε?»* Ga wèe kunni, wèe ya Kirisa wo fungōngō ke ta.

3

Kile wo kapyebyii pu beeri pu ne kapyebyenii

¹ Ayiwa na cebooloo, li can koo ni, sipyii piimu ya naari na sahan̄i ni Fεfεεε Munaa jidaan ni ge, ne ta jo ni yee ni ba ne yaa na jo ni pee ni wε. Ga sipyii piimu p'a naari ke koṅṅo ke wo jidaan wu

* 2:16 Ezayi 40:13

funḡo ni ge, ne jo ni yee ni ba ne yaa na jo ni pee ni we. Ne yee yaha ba nḡhḡpiire ne we n'a daa wu shizhaa na Kirisa na.

² Lee wuu na ne jirimε kan yee mu. Yalige kemu k'a gbile ge, ne ta kee kan yi mu we, bani yi bi da ga ja ki na we. Ali nijaa we be ni yee wa da ja yalitigbilege na we,

³ bani ke koḡo ke jaarigana na yee wa jaarri sanha. Ne penwaa ni kafila ne herε te ti wa yee te ni ge, na tee yaha wa, ta yee ya jaarri me ke koḡo ke wo jaarigana na we? Ta yee ya jaarri me ceepuuro lakuḡo wo jaarigana li na we?

⁴ En yee ba yu: «Poli wo ne ne.» kelee «Apḡlasi wo ne ne.» Ta yee ya doroo me sipyitiilee torogana na we, piimu ne Kile Munaa baa ge?

⁵ Wee tuun wu ni Apḡlasi ne jḡḡo we? Ne Poli be di ne jḡḡo we? Kile wo kapyebyii ye we ne, yee ya n'a daa wu ta piimu kenε kurogo ge. Kafḡo ya kapyenεε kiimu kan kan we mu ge, kee we wa beeri ya byi.

⁶ Tige ne nḡri, a Apḡlasi di ki lḡhḡ le, ga Kile w'a ki pye k'a shḡ, na le.

⁷ Lee funḡo ni, tige ki nḡrivḡo wu yoo, ki lḡhḡ levḡo wu yoo, wee wa shishiin ne yaaga be we. Kile wemu w'a ki pye k'a shḡ, na legi ge, wee wu ne nḡḡo ki na.

⁸ Tige ki nḡrivḡo we, ni ki lḡhḡ levḡo wu ni, pu beeri pu ne nigin. Kile na ba pu saraa na be ni pu beeri nigin nigin wu nibyegee ni.

⁹ Bani we beeri pu ne kapyebyenii Kile mu, yee di ne Kile wo kerεye ye, kelee Kile wo piyεye ye.

Wa beeri wo kapyenεε ki pyegana li nḡhḡ na bafaa

10 Ayiwa, Kilɛ ya niimɛ wemu kan nɛ mu ge, na saha ni wee ni, nɛ puga ki nɔhɔ shan yee mu ba popye jɛ wɛ, wemu jɛ fungɔngɔ fɔɔ ge. Watii w'a wu wo puuro jɔ kɔn na byi lee jɔdaa le na nimɛ. Ga fo wa bɛɛri bu kasɛɛge yaha wu wo puuro ti pyegana na.

11 Bani jɔdaa lemu nɔhɔ k'a shan ge, lee jɛ Yesu Kirisa. Latii nɔhɔ wa da jɔ zhan nige lee kadugo na wɛ.

12 Pii na ba sanni kelee wari kelee pɛɛwa faak-ageeye taga pu wo labye wu pye lee jɔdaa le na. Pii bɛ na ba pu wo labye wu pye ni tiye ni, kelee jɔ, kelee waha.

13 Kiiri wu wo caɲa jii li na ba wa bɛɛri wo labye tuugo shɛ na fiinne. Bani lee caɲa jii le wo na ki na ba wa bɛɛri wo labye wu nɔhɔ wolo, na wu shi shɛ.

14 Sipya wemu bu wu wo labye pye lee jɔdaa le na, na ki ba wee labye we nɔhɔ wolo k'i ya jɔ yaaga kyɛɛgi wu mu wɛ, Kilɛ na ba weefɔɔ saraa.

15 Ga na ki bu wemu wo labye wu sorogo, weefɔɔ da ba kuduun ta wɛ. Wufɔɔ yɛ pyaa kii kunni na ba shɔ. Ga wu shɔgana li wa mɛ, ba na ma sipya paari, m'a ba da foro ki ni wɛ.

16 Ta yee ya li cɛ na jo yee pu jɛ Kilɛ wo pɛɛne pugbɔhɔ ki wɛ? Ta yee ya li cɛ na jo Kilɛ Munaa l'a tiin yee funyɔ ni wɛ?

17 Sipya wemu bu Kilɛ wo pɛɛne pugbɔhɔ ki kyɛɛgi, Kilɛ bɛ na weefɔɔ kyɛɛgi. Bani fɛfɛɛɛ puga ki jɛ Kilɛ wo pɛɛne pugbɔhɔ ke, yee di jɛ kee pɛɛne pugbɔhɔ ke.

18 Sipya wa shishiin ganha ba wuyɛ faanna wɛ! Wa ba wuyɛ wii na fungɔngɔ fɔɔ wee jɛ na saha ni ke koɲɔ ke wo keree ni, wufɔɔ wu wuyɛ pye

nahanaha, kɔnhɔ wufɔɔ di já fungɔngɔ fɛɛɛɛ can can wuuro ti ta.

¹⁹ Bani ke koŋɔ ke wo fungɔngɔ fɛɛɛɛ ti jɛ nahahara Kile mu. L'a ka bɛ Kile Kafila wu ni na: «Puyɛ pyaa wo shizhiinmɛ tifuuyo na Kile ya fungɔnyɔ fɛɛ conɪ.»*

²⁰ L'a ka sanha Kile Kafila wu ni na: «Kafɔɔ ya fungɔnyɔ fɛɛ pu wo fungɔnyɔ yi bɛɛri cɛ. W'a li cɛ na kaŋɔɔ wa yi na wɛ.»*

²¹ Lee wuu na sipya wa shishiin ya yaa w'a wuyɛ pɛɛɛ sipyii wuu na wɛ. Bani yaŋmuyɔ yi bɛɛri yi jɛ yee woyɔ:

²² Nɛ Pɔli yoo, Apɔɔsi yoo, Pyɛɛri yoo, koŋɔ ke yoo, niifɛɛɛ yoo, xu yoo, nimɛ wo keree kii yoo, kiimu k'a ma ge, kee yoo, yee bɛɛri jɛ yee woyɔ.

²³ Ga yeeyɛ pyaa di jɛ Kirisa wuu; Kirisa di jɛ Kile wo.

4

Kirisa wo tudunmɔɔ pee ni pu kapyegeɛ

¹ Ayiwa, p'a yaa na wɛɛ wii Kirisa wo kapyebyii, Kile wo can niŋmɔhɔmɔ wu kaa ya le piimu keŋɛ ni ge.

² Pu bu kapyenɛɛ kaa le sipya wemu keŋɛ ni, lemu p'a zhaa wu mu ge, lee li wa mɛ. Wu pye jɔmɛɛ fɔɔ kapyenɛɛ ki ni.

³ Neyɛ pyaa ki mu, yee na já yemu jo nɛ shizhaa na, kelee sipyii na já kiiri wemu kɔn nɛ na ge, nɛ lee la wii nayɛ mu kaa latii wɛ. Neyɛ pyaa ki bɛ di wa da ga nayɛ jaagi wɛ.

* **3:19** Zhɔbu 5:13 * **3:20** Zaburuu 94:11

⁴ Ne zo kunni sanha ne jaagi kaa la na we, ga lee di wa nago kanna sipyitiime ne ne we. Kafoo wu ne ne kiiri konvoo.

⁵ Lee wuu na, yi ganha bu da kiiri kon sipya wa shishiin na, na tuun wu ta wu sanha no we. Yi yere fo Kafoo bu she ba! Kaa kaa l'a nmoho womo ni ge, wu na ba kee beeri yeege kpeenge na, na sipyii zoloo funno keree beeri she. Wee tuun wu ni peene kemu ya yaa ni wemu ni ge, Kile na ba kee kan weefoo mu.

⁶ Ayiwa na cebooloo, ne keree kiimu jo na ni Apolosi shizhaa na ge, ne kee beeri pye na she yee na, k'i bye yi mu kalaa. Yemu y'a ka Kile Kafila wu ni ge, konho yi ganha bu yee ye we. Yee wa shishiin ya yaa w'a sipya wa wo mege keree taga w'a wuyee pelee, wa ton di ben wu mu we.

⁷ Bani mu wu wa maye pelee mu lee pelegana li na ge, leke l'i wa mu mu na toro pusamaa taan we? Leke l'i wa mu mu Kile ya ta lemu kan mu mu-i we? Ayiwa, ni y'i ne Kile wo niganya mu mu, wee tuun wu ni jaha na mu di maye pelee, na li pye kanna Kile ya ta yi kan mu mu-i we?

⁸ Ayiwa na cebooloo, yee wo xuugo ki kunni ya xo! Yee ya yanmuyo yi beeri ta na xo! Yee ya jeri saannaa, na ta we di sanha saanra ta we! Ne funno ki wa y'i sii pye saannaa ye pyaa pyaa, konho we di binne pye saannaa ba yi ne we.

⁹ Bani Kile ne kanna kadugo yiri w'a we yaha, we piimu pu ne Kirisa wo tudunmoo pu ge. We ne ba sipyii ne we, p'a piimu wo kiiri kon na yaha xu na ge. Bani we ya jeri yawiye kon beeri mu ba pee ne we. We ya pye yawiye sipyii mu, ni melakee be mu.

¹⁰ Wee ya ƚeri sicere fεε Kirisa wo mεge ki wuu na, ga, a yee kunni di ƚeri nime fungonyɔ fεε pee, Kirisa wo kariƚεεge ki funɔɔ ni! Wεe ya ƚeri nime baraga baa sipyii, a yee di bye ni baraga ki ni! Wεe ya ƚeri yafanhaya, yee di pεεɲε taa!

¹¹ Ali nime we be ni, wεe wa gana xuugo ni waga keɲε ni. Cεre fàya ya wù yaa wε. Kpɔɔnrɔ t'i nɔni wù na, ɲunɔ talenε di ɲε wù mu wε, fo na ɲaari ɲaari na yeree.

¹² Wεe ya wu cεre kana labye fεni. Pu ba wù shεhεε, wεe di duba pyi. Pu ba wù kana, wù na lee xu wùye ni.

¹³ Ali pu ɲεhe ba wεe mεge kyεεgi be, wεe na pu ɲunɔ círi ni lotaan ni. Wεe ya ƚeri gara koɲɔ mu. Wεe ya ƚeri kaɲɔɔ baa fo na pa nɔ ba ɲiɲaa ɲε wε.

¹⁴ Di wa pee jomɔ pe ka tun yi mu kɔnhɔ di shiige le yi ɲahaya ni-i dε! Ga n'a pu ka na tun yi mu, kɔnhɔ di yi kalaa ba na nagoo ɲε wε, piimu ya dan na ni ge.

¹⁵ Bani ali yee ɲεhe kalaatii ta na nɔ pu kabɔfonɔɔ ke (10.000) be na, to nigin pe wu ɲε yee mu n'a daa wu ni. Wee ɲε nε, bani nε wo Kilε Jozaama pu wo yεε li funɔɔ ni yee ya dà Yesu Kirisa na.

¹⁶ Lee wuu na, na yi ɲεeri y'a na wo ɲaarigana li taanni.

¹⁷ Kee funɔɔ ki ni n'a da Timote tun yi mu. Na ɲidaan ja wu ɲε wii, na ɲε ɲɔmεε fɔɔ Kafɔɔ wo kariƚεεge ki ni. Lemu li wa nε wo ɲaarigana le Kirisa wo kariƚεεge ki ni ge, wu na zhe yi funyɔ to lee na. Lee ɲaarigana li wo kalaa nε gaan tεye yi bεeri ni egilizii pu bεeri mu.

¹⁸ Pii wa bi giin yee ni na nε da guri zhe nige yee yíri wε, a peefεε di tabaara lɔ le puyε ni.

19 Ga Kile bu sɔɔ n'a da mɔ nige di she yi yiri we. Wee tuun wu ni, kafilagbɔ wemu pii tabaara fεε pii wa yu ge, nε ba nɔ wà, lemu li jε pu wo se kaa li ge, nε na lee cε.

20 Bani Kile wo saanra ti jε jɔ kafila kajii we, ga sefεεεε kajii li jε lii.

21 Ayiwa, leke kaa di wa yee na we? Di da se ni yakpɔngɔ ni yi feni laa? Ta di zhe ni taanjεεge ni lotaan ni?

5

Torogaguunɔ lemu l'a ja Korente egilizi wu ni ge

1 Ayiwa na cebooloo, shenjehemεε p'a yi jo nε mu na dɔdɔɔrɔ ta ti wa yee tε ni, dɔdɔɔrɔ temu ti jε ali piimu bε jε Kiricεen we, pee bε ya gbara ti na-ε ge: Nε logo na yee wa nigin w'a wu to shɔ kɔn shɔ wu na na pye wu shɔ.

2 A tabaara di nɔhɔ yee ji sanha na taha lee bε na. Le kaa le bi yaa li sii yee jahaya tanha xuuni, kɔnhɔ wemu w'a li pye ge, wee di waa laha yi na.

3 Nε wa yee tε ni we, ga na fungɔngɔ d'a pinne ni yi ni. Nε kunni ya kiiri kɔn xɔ we ná we na, ma na jo nayε pyaa bε ki jε wà.

4 Ayiwa, yi ba ba yiyε pinne tuun wemu ni Kafɔɔ Yesu mεge na, na bε wo fungɔngɔ ki na binne ni yi ni, na fara wù Kafɔɔ Yesu wo sefεεεε ti na.

5 Y'i wee sipya we le Shitaanni keñε ni! Kɔnhɔ wu ceepuuro ti wo lakuunɔ k'i gyεεgi, wu munaa le di ba shɔ Kafɔɔ Yesu cabaɲa.

6 Nunɔ wa li na yee p'a yiyε keɛε we! Ta yee ya li cε na jo buuri shizhenhere nifenhεfenhere ye t'a myɛdɔnhɔɲɔ bεeri yirige we?

⁷ Yi buuri shizhenhere nileeɛ ti beeri yeege yiyɛ tɛ ni, kɔnhɔ y'i bye myɛdɔnhɔɔ nivonɔ. Bani li can koo ni shizhenhere wa yi ni wɛ, na li kaɔɔɔ pye Nuwuuro ti wo Kalenɛ li Dubyapige ki jɛ wɛe mu, kemu ya wolo na pye saraga wɛe wuu na ge. Kee jɛ Kirisa wuyɛ pyaa.

⁸ Wee tuun wu ni, wu kalenɛ li gba! Wu ganha bu li gba ni buuri shizhenhere nileeɛ ti ni wɛ! Lee kɔri jɛ: Wu ganha bu li gba ni kakuuyo, kelee ni dɔdɔɔɔ ni wɛ! Ga wu li gba ni shizhenhere baa buuri ni. Wee buuri we jɛ can ni fɛfɛɛɛ wɛe zɔlɔ pu na!

⁹ Nɛ yi ka na tun yee mu na semɛ wu ni jo sipyii piimu p'a taanfɛɛɛɛ pyi ge, jo yee ganha ba gari ni peefɛɛ ni wɛ.

¹⁰ Ga lee wa nago kanna yee pu kɔn laha ke kɔɔ ke wo taanfɛɛɛɛ pyevɛɛ, ni ki natakuumɔ fɛɛ, ni ki nagaalaa, kelee ni ki yapɛɛgaan beeri na-ɛ dɛ! Lee bu yaha li pye, fo yi bu foro ke kɔɔ puga ke ni.

¹¹ N'a da li she yi na jo sipya wemu beeri w'a yu na n'a daa fɔɔ wee jɛ, na taanfɛɛɛɛ pyi kelee natakuumɔ keree, kelee yapɛɛgaanra, kelee na shehɛɛ pyi, kelee singbaa, kelee nagaara ge, yi ganha bu binne ni wee wa ni kaa la shishiin na wɛ. Ali yee ya yaa yi pinne li be ni wee sipya wa ni wɛ.

¹² Piimu jɛ Kiricɛɛn wɛ, na kiiri kɔn pee na, lee jɛ nɛ wo nibyii wɛ. Ga n'a daa fɛɛ piimu pu wa yee wo egilizi wu ni ge, yee p'a yaa na pee wo jurumu wu kiiri kɔɔn.

¹³ Piimu jɛ Kiricɛɛn wɛ, Kile yɛ pyaa na ba kiiri kɔn pee na. Ga ma na jo ba l'a ka Kile Kafila wu ni wɛ na: «Yee pu kakuuɔye wu kɔri yeege yiyɛ tɛ

ni.»*

6

N'a daa fεε ya yaa p'a puyε yiri fanha puga wε

¹ Naha k'a yee pye βεganhara bu jε yee wa ni wu ceboro tε ni, yee da ga shε ni pee jomɔ pe ni n'a daa fεε pu mu wε, ga piimu jε Kiricεen wε, yee na dεrε yiyε yiri fanha puga, pee mu wε? Lee ya saha wε.

² Wee tuun wu ni ta yee ya li cε na fεfεεε sipyii pii pu da ba kiiri kɔn ke koŋɔ ke na wε? Ayiwa, ni li wa nago yee pu da ba kiiri kɔn ke koŋɔ ke na, keree kiimu ki jε kafεnhεfεnhεŋεε ge, naha na yee pye yee ganha bu já kee shɔɔnri yiyε tε ni-i wε?

³ Ta yee ya li cε na wεe pu da ba kiiri kɔn ali mεlekεε pii bε na wε? Ni lee na ba bye, kafεnhεfεnhεŋεε kii k'a byi wù tε ni ke koŋɔ ke na ge, yee na kee shɔɔnri kanha dii wε?

⁴ Na ta kii keree kii k'a di bu jomɔ le yee tε ni, sipyii piimu jε yaaga bε Egilizi koo ni-i ge, yee na dεrε shε pee pye yi kiirikɔɔn!

⁵ N'a yi yu kɔnhɔ yiyε pyaa bε di li cε na shiige ki jε kii. Shen nigin bε ya sii yee tε ni fungɔngɔ fɔɔ wemu na já ceboolo pu tε kayuu jo-e ya?

⁶ Ayiwa, ta l'a saha can na, nago ceboro wa wu shε kayuu tenε ni ceboro wa ni fanha puga, sipyii mu piimu jε Kiricεen wε?

⁷ βεganhara na jε yee tε ni fo na shε yee pye yee na yiyε yiri fanha mu, lee yε pyaa wa yee mu nuzogoro. Naha k'a yee pye yee ya gbara yee p'a katiibaagaa kii xuli yiyε ni-i wε? Naha na yee di ya gbara ye p'a nanmahara keree xuli yiyε ni-i wε?

* **5:13** Duterεnɔmε 19:19 ni 22:21-24 ni 24:7

⁸ Ga fo yee na tere na katiibaagaa ni nanmahara ti pyi. Go yi cebooloo na yee wa ki pyi!

⁹ Ta yee ya li ce na jo taa ne sipyitiibaalaa mu Kile wo saanra ti ni-i we? Yi ganha ba yiyee faanna we! Taanfeyee pyevewee yoo, yaperegaan yoo, daddoo yoo, namaa piimu be ya puyee sinnnee ge, pee yoo,

¹⁰ nagaalaa yoo, natakuumoo feee yoo, singbaa yoo, yayirilee yoo, javafee yoo, pii p'a shishiin tajege wa Kile wo saanra ti ni we.

¹¹ Kii yahaganjaa kii sipyii pii wa bi bye yee be ni. Ga Kile ya yee je, na yee pye feefee na yeege kakuuyo ni, na yee pye sipyitiimnee Kafoo Yesu Kirisa mege na, Kile Munaa li baraga ni.

Kafoo wuuro ti ne n'a daa fao ceepuuro

¹² Pii wa yu yee ni na keree beeri no ya kan yee mu! Ga n'a da li she yi na jo kuduun wa keree beeri ni we. Keree beeri no ya kan, ga ne kunni di wa da ga naye yaha bulo kaa tuugo beeri mu we.

¹³ Pii be wa yu sanha yee ni na yacere kaa na yalige ya yaa, yacere be d'a yaa yalige kaa na. Can wu ne wii. Ga cana ka wa ma, Kile na ba yi shuun wu beeri kyeege. Ga sipya ceepuuro te kunni, tee ya ta yaa daddoo kaa na we. Kafoo wuu na ti ne, Kafoo be di sipya ceepuuro ti marani.

¹⁴ Kile w'a Kafoo ne na yeege xu ni, wu na ba we be ne na yeege xu ni wu sefeere ti baraga ni.

¹⁵ Ta yee ya li ce na jo Kirisa yatenyee yi ne yee ceepuuro ti we? Wee tuun wu ni, ne ma na Kirisa wu wo yatenge ka lo na taga navarasho yatenyee sogolo ge? Lee kunni ya saha we.

¹⁶ Kelee ta yee ya li ce na jo sipyaa sipya w'a sinnee ni navarasho ni ge, ma ni wu ni, yi beeri ya peri

ceepuuro nigin wε? Bani l'a ka Kile Kafila wu ni na: «Pu shuun wu bεeri na ηeri ceepuuro nigin.»*

¹⁷ Ga sipya wemu bu wuyε kan Kafɔɔ mu, weefɔɔ ni Kafɔɔ ma bye nigin wu Munaa li ni.

¹⁸ Y'a fe dɔdɔɔrɔ ηaha na. Jurumu wemu sama sipya ya byi ge, wee ya dani wu ceepuuro ti kpεngε ke na. Ga sipyaa sipya w'a dɔdɔɔrɔ pye ge, jurumu w'a pye wuyε pyaa ceepuuro ti na.

¹⁹ Ta yee ya li ce na jo yee ceepuuro ti ηε Fεfεεε Munaa li wo Kile-pεεηε pugbɔhɔ wε? Lee Fεfεεε Munaa le wa yee funyɔ ni. Kile w'a li kan yee mu. Yee ηε nige yiyε wuu wε.

²⁰ Bani pεεwa na Kile ya yee shɔ. Lee wuu na y'a baraga tɛri Kile na ni yi ceepuuro ti ni.

7

Celenεnε kelee gbajiire keree

¹ Ayiwa, y'a yegeye yemu ka na tun na mu yi sεmε wu ni ge, wu shε yee feni. L'a ηɔ nά mu wu ganha bu cee lɔ wε.

² Ga kɔnhɔ dɔdɔɔrɔ ganha ba byi wε, nά bεeri ya yaa wu cee lenε, cee bεeri di gbaga je nά mu.

³ Nά ya yaa w'a lemu pyi wu shɔ mu ge, wu lee ηɔ yaha cee wu mu. Cee bε ya yaa w'a lemu pyi wu poo mu ge, wu bε di lee ηɔ yaha nά wu mu.

⁴ Bani cee ceepuuro tiyε pyaa ηε wu wuuro wε, ga wu poo wuuro ti ηε tii. Mu shiin li wa, nά bε wo ceepuuro tiyε pyaa ηε wu wuuro wε, ga wu shɔ wuuro ti ηε tii.

⁵ Wee tuun wu ni, yi ganha ba yiyε shege wε! Yi bεshuun na jά jo na bε yi na, na tuun wa pye yiyε

* 6:16 Zhenεzi 2:24

kadugo na, kǎnhǎ y'i wee tuun we pye Kilε-ɲεrεge na. Ga wee tuun we bu doro, y'i guri pye ni yiyε ni sanha! Ni lee bε wε, y'a da já yiyε na wε, lee funɲǎ ni Shitaanni bε na yi taanna wii di yi tǎǎǎ le jurumu ni.

⁶ Ye n'a yu mε yi mu ge, yi yeri yeri jomǎ pu wa pii, li wa fanha kaa wε.

⁷ Li da yaha nε kaa na, sipyii bεeri ya yaa pu pye ba nε ɲε wε. Ga wa bεeri ni wu loolodaa li wa Kilε mu. Kaa la wo loolodaa wa wa mu, la betii bε wo loolodaa bε di ɲε wa bε mu.

⁸ Ayiwa, piimu pu wa pu sanha gbaya je, kelee na cèe lenε-ε ge, ni cèe piimu wo namaa p'a xu ge, nε funɲǎ na kunni, pee pu kori yaha mu pu yε ba nε ɲε wε. Lee ya ɲǎ shεn.

⁹ Ga pu bu da p'a da já puyε na wε, wee tuun wu ni p'a yaa wa bεeri wu gbaga je, kelee na cee lenε. Bani, lee ya pǎrǎ pu mu pu kori yaha wà mu, gbaya kelee cèe la di da pu sorogo.

¹⁰ P'a n'a daa fεε piimu kan xǎ puyε mu ge, ye n'a da jo pu mu ge, yee wa nεyε pyaa wo nijoyo wε, ga Kafǎǎ woyo yi wa yii. Yee yi wa mε jo, cee wu ganha bu da wu gbaga xǎ ná wu mu wε!

¹¹ Cee wemu shiin bu foro wu poo mu, wee tuun wu ni w'a yaa wu wuyε yaha wà ná baa, kelee wu guri shε bε ni nalε wu ni. Ná bε ya yaa wu wu shǎ yaha wε.

¹² Ayiwa, ye n'a da jo pusamaa mu ge, yee wa Kafǎǎ wo nijoyo wε; nεyε pyaa k'a yee yu. Ceborona wa bu bye n'a daa fǎǎ, wu shǎ di ɲε n'a daa fǎǎ wε; cee wu bu sǎǎ na diin wu mu, ná wu ya yaa wu wu yaha wε.

13 Ceboroshɔ wa bε shiin bu bye n'a daa fɔɔ, wu poo di jε n'a daa fɔɔ wε; ná wu bu sɔɔ na cee wu mara wu shɔ, cee wu ya yaa wu foro wε.

14 Bani na ná wu yaha wu jε Kiricɛn wε, wu ni cee wu bu bye shiizhan, w'a Kilɛ tɛɛɛɛ. Mu shiin cee wu bε jε wu bu da wu jε Kiricɛn wε. Wu ni ná wu bu bye shiizhan, wu bε ya Kilɛ tɛɛɛɛ. Lee kaa bε wε, pu nagoo pu na bye kanna pu jε Kiricɛn wε, na ta pu d'a Kilɛ tɛɛɛɛ can can na.

15 Ga pu shuun wu ni wemu wu jε n'a daa baa fɔɔ wu ge, wee bu jo wu foro n'a daa fɔɔ wu ni, yi wu yaha wu foro wu ni. Wee tuun wu ni n'a daa fɔɔ w'a pye cee wu la, wu shiin ya pye ná wu la, wu na bye wuyε mu. Kilɛ ya yee yiri, kɔnhɔ y'i ba bye jɔɔɔɔ na.

16 Bani mu cee n'a daa fɔɔ we, dii m'i da já bye m'i li cɛ na mu wu da ba ma poo wu jɔɔɔ wolo wε? Kelee mu ná n'a daa fɔɔ we, dii m'i da já bye m'i li cɛ na mu wu da ba ma shɔ wu jɔɔɔ wolo wε?

Mayε yaha ba ma bye a Kilɛ di ma yiri wε

17 Lee ninε na foro wà, wa bɛɛri ya yaa w'a jaari w'a sahanjɔ ni wu loolodaa ni, Kilɛ ya lemu kan wu mu ge. Kilɛ ya wufɔɔ yiri na wu yaha yahama pemu bε ni ge, wu da jaari w'a sahanjɔ ni pee bε ni. Wee kalaa we n'a gaan n'a daa fɛɛ pu mu egilizii pu bɛɛri ni.

18 Kilɛ bu sipya wa yiri na wufɔɔ ta w'a cekɔɔnrɔ pye xɔ, wufɔɔ wu wuyε yaha wà mu. Wu shiin bu wemu yiri na wufɔɔ ta wu sanha cekɔɔnrɔ pye wε, wufɔɔ ganha ba li shaa nige fo wu gɔn wε.

19 M'a cekɔɔnrɔ pye yoo, ma ya cekɔɔnrɔ pye-e yoo, lee la shishiin kɔɔɔ jε wε. Lemu wo kɔɔɔ li

wa ge, lee li wa me na Kile wo jomεejogoo ki koo jaari.

²⁰ Kile ya wa beeri yiri, na wufoo yaha yahama pemu ni ge, wufoo ya yaa na wuyε yaha pee yahama pu ni.

²¹ Kile bi ma yiri na ma yaha bulooro ni, ma ganha bu lee kaa taga ma funɔɔ cɔnri wε. Ga taɔɔɔ bu da ki na je ma mu m'a foro bulooro ti ni, m'a yaa ma foro ti ni.

²² Bani sipya wemu Kafoo ya yiri na wu yaha bulooro ni ge, weefoo ya jeri wuyε wo Kafoo mu. Sipya wemu be di bu bye wuyε mu, Kirisa bu ma yiri, m'a jeri wu bulo.

²³ Kafoo ya yee sho perεme pemu na ge, p'a waha shen. Wee tuun wu ni yi ganha bu bye sipyii wo buloo wε.

²⁴ Na cebooloo, Kile ya yee beeri nigin nigin wu yiri na yi yaha yahama pemu ni ge, wa beeri ya yaa wu kori pee yahama pu ni.

Mudasiilee keree

²⁵ Piimu pu wa pu sanha namaa ni cεe kalεε pye ja bada-ε ge, yemu n'a da jo pee mu ge, yee wa Kafoo wo nijoyo wε, neyε pyaa k'a na fungɔngɔ sheε pu na. Ga Kafoo wo ceme pu baraga ni, y'a yaa yi da na jomɔ pu na.

²⁶ Kanhama pe pu wa nime ge, pee kanhama pu wuu na ne li ta jo l'a pɔɔ wa beeri mu wu kori yaha ba w'a sii wε.

²⁷ Cee bi je ma mu, ma ganha bu wu yaha wε. Ma shiin bi je ma sanha cee leɔε wε, wee tuun wu ni m'a mayε yaha wa mu cee baa.

²⁸ Ga lee be na, ma jehε cee leɔε, ma ya jurumu pye wε. Dɔɔɔ fuceri nacεbaa be jehε gbaga je, wu

ya jurumu pye wε. Ga kanhama see wo p'a da ba nɔni gbaya cèe ni cèe kafεε na pu niifεεε ti ni. N'a bi giin di yi niɲɔ wolo pee kanhama pu ni.

²⁹ Ayiwa na cebooloo, ye n'a giin di jo yi mu ge, yee yi wa mε jo koɲɔ ki taaxɔɔ l'a tεεɲε. Wee tuun wu ni, piimu pu wa ni cèe ni ge, pee pu la le puyε ni Kafɔɔ wo labye wu feni. P'i bye kanna cèe bε jε pu mu wε.

³⁰ Piimu p'a mεhεε suu ge, pee di la le puyε ni Kafɔɔ wo labye wu feni. P'i bye kanna pu bi mεhεε bε suu wε. Piimu p'a fundanga pyi ge, pee di la le puyε ni Kafɔɔ wo labye wu feni. P'i bye kanna pu bi fundanga bε pyi wε. Piimu p'a zhɔ pyi ge, pee di la le puyε ni Kafɔɔ wo labye wu feni. P'i bye kanna yaaga bε bye pu mu wε.

³¹ Piimu p'a koɲɔ yaɲmuyɔ ye shaa ge, pee di la le puyε ni Kafɔɔ wo labye wu feni. P'i bye kanna pu bi koɲɔ ke yaɲmuyɔ ye shaa bε wε. Bani koɲɔ ni ki yaɲmuyɔ yi wa da mɔ y'i xhɔ wε.

³² Lee wuu na n'a bi giin jo funzhaga katii ganha bu jé yi ni wε. Sipyawemu wu jε wu sanha cee lɔ-ε ge, Kafɔɔ wo niidaan keree ki ma bye weefɔɔ wo cɔnrɔmɔ keree. Wu funzhaga kaa bεeri li jε lemu li da wu pye wu taan Kafɔɔ mu ge.

³³ Ga wemu bu cee leɲε, wee ma ke koɲɔ ke wo yaɲmuyɔ kaa taga wuyε funɲɔ cɔnri, kɔnhɔ wu daan wu shɔ mu.

³⁴ Lee funɲɔ ni wu fungɔngɔ ki ma jεri na wu kilee na se kabaya shuun na. Cèe piimu jε gbaga ni wε, na fara doɲɲε pushaa na, pee bε ma pu funyɔ shaa ni Kafɔɔ niidaan keree kaa ni, kɔnhɔ p'i já pye Kafɔɔ wuu pu keree ki bεeri ni. Ga cee wemu wu jε

gbaga ni ge, wee wo funzhaga ki ma gaanji ke konɔ ke wo yaŋmuyɔ ye yiri, kɔnhɔ wu daan wu poo mu.

³⁵ Yeeyɛ pyaa wo kuduun kaa na n'a ye yu, li wa nago kanna fanha n'a giin di bye yi na wɛ. Ga na funɔ ki wa y'i da jaari jaarigazaana na, y'i daha Kafɔɔ nɔhɔ ni ni yi zɔlɔ pu beeri ni.

³⁶ Ná wemu bu li ɛ na wee wa da já wuyɛ co wu curɔ tãan wɛ, wu mɛhɛ wu lenɛ na saha ni wu fungɔngɔ ni. Lee jɛ jurumu wɛ.

³⁷ Ga ná wemu bu li kɔn wuyɛ funɔ ni na ta wa shishiin ya wu karamu wɛ, na jo wu da wu curɔ lenɛ wɛ. Wu bi dà li na, na wu fungɔngɔ kaa li takyɛɛgenɛ wa da yiri xuu wa shishiin ni wɛ, ayiwa lee ya jɔ.

³⁸ Lee funɔ ni wemu bu wu curɔ lenɛ, kasaana w'a pye. Ga wemu be bu sɔɔ na wu wo yaha wà lenɛ baa, lee ya pɔrɔ shɛn.

³⁹ Ayiwa, cee beeri w'a gbaga je ná mu ge, na ná wu yaha jii na, cee w'a pɔ yaha wu na. Ga ná wu ga xhu, wee tuun wu ni w'a pye wuyɛ mu. Ná beeri w'a wu taan ge, wu she gbaga je wee mu, kɔnhɔ wu pye n'a daa fɔɔ.

⁴⁰ Ga nɛ wo funɔ na, wee cee wu bu sɔɔ na wuyɛ yaha wà mu, lee na bɔrɔ wu mu fo xuuni. Nɛ be di wa giin be jo Kile Munaa li wa nɛ be ni.

8

Yaperɛɛ xaara

¹ Wù she nime yaperɛɛ xaara ti wo jomɔ pu feni. Can wu jɛ wii na jo wèe beeri pu jɛ ni laje ni ma na jo ba yee wa yi yu wɛ. Ga wee laje we ya tabaara

leni sipya ni. Na ta taanɲεεge di se ni n'a daa fɔɔ ni ɲaha na n'a daa wu ni.

² Sipya wemu ba wuyε wii na wee ya keree cε, Ayiwa wee sanha keree cε ba keree ya yaa k'a jeni wε.

³ Ga Kile kaa ba dan sipya wemu ni, weefɔɔ Kile ya cε.

⁴ Ayiwa, yee ya yegenε pye yaperεε xaara ti shizhaa na, na ta wa na já ti xa? W'à li cε na jo yaperεgo ɲε yafin bε wε, bani Kile nigin pe yε wu ɲε.

⁵ Can kunni wu ɲε wii, yaɲmuyɔ ɲiɲehεyε wa fugba we, ni ɲiɲε ke na sipyii na yi pyi na kilεεε, na li pye kanna kilεεε ɲiɲehεmεε pu ɲε pu mu na fara kafεε ɲiɲehεmεε na.

⁶ Ga wèe mu kunni, Kile nigin pe yε wu ɲε; wee ɲε To Kile, wee w'a yaɲmuyɔ yi bεeri yàa. Wee wuu bε wèe di ɲε. Kafɔɔ nigin pe yε bε di ɲε; wee ɲε Yesu Kirisa. Wee baraga ni yaɲmuyɔ yi bεeri wa yàa, wee baraga ni bε wèe wa ɲiifεεε na.

⁷ Ga n'a daa fεε pu bεeri wa sanha we can we cε na fiinɲε wε. Pii wa yee ni piimu wa bi tεε na yaperεε kaan ge. Pee ba tee xaara te xaa, pee ma li yaha puyε funyɔ ni na yaperεε xaara ti ɲε tii. Pu n'a daa wu wo fanha jεε funɲɔ ni p'a li ta na pee ya puyε nɔrɔgɔ.

⁸ Na ta ɲɔyalige di wa da já wèe pye wèe pu Kile tεɲε wε. Wèe ya te xaara te yaha wà xabaa la, lee wa da yaaga wolo wèe ni wε. Wèe shiin ya ti xa la, lee wa da yaaga le wèe ni wε.

⁹ Ga lee bε na, yi kasεεge yaha yiyε na. Yi na já da yaɲmuyɔ bεeri li yi ɲidaan funɲɔ ni. Ga wa ganha

ga wu jidaan yaha wu pye kaṅuṅo di baraga baa fɔɔ tɔɔgɔ le kakuuṅo ni wɛ.

¹⁰ Bani mu wemu w'a yu na mu ya yaaga cɛ ge, baraga baa fɔɔ wa bu mu ja mu ya tiin na li yapɛɛ la wo pɛɛɛ puga ni, ta lee da wu luu waha yapɛɛɛ xaara xha na wɛ?

¹¹ Lee funṅo ni, wee ceborona baraga baa fɔɔ wemu bɛ wuu na Kirisa ya xu ge, ta mu wo lajɛ wu ya pye kaṅuṅo na bɔɔngɔ nɔ wee na wɛ?

¹² Yi ba lee pyi, yi cebooloo pu jurumu y'a luu. Bani baraga jɛ pu ni keree kiimu wo bye na wɛ, yee wa pu logoo wari na waa kee na. Lee funṅo ni Kirisa yɛ pyaa na y'a wee jurumu wu pyi.

¹³ Lee wuu na, yalige ke n'a da lii ge, kee bu da ki na da bye kaṅuṅo di nɛ ceboro tɔɔgɔ le jurumu ni, nɛ na gahari kee yalige ke ni, kɔnhɔ di ganha bu na ceboro wu pye wu to wɛ.

9

Kirisa wo tudunmɔ wu tayerege jɛ kemu ge

¹ Ayiwa, ta nɛ jɛ nayɛ wo wɛ? Ta nɛ bɛ jɛ Kirisa wo tudunmɔ wa wɛ? Ta nɛ bɛ ya wu Kafɔɔ Yesu ja wɛ? Ta yee bɛ pu jɛ wee labye we wo kuduun Kafɔɔ na wɛ?

² Ali pii jɛhɛ bye p'i ya sɔɔ li na na Kirisa wo tudunmɔ nɛ jɛ wɛ, yee ya yaa yee pu li cɛ na Kirisa wo tudunmɔ nɛ jɛ. Bani yee na jɛ Kafɔɔ wo karijɛɛɛ ki ni, lee li wa li shɛɛ na Kirisa wo tudunmɔ nɛ jɛ.

³ Piimu p'a nɛ kaa yu, na zɔ tɛri nɛ na ge, we kafila we nɛ daga na pu jɔ shuu:

4 Na wèe yaha wèe na jε Kirisa wo tudunmɔɔ, ta yalige ni yagbaya ya yaa na gaan wèe mu wù labye wu wuu na wε?

5 Ta li ya saha nago wèe bε pu wù wo shɔ wa lɔ, wee di da jaari ni wù bε ni ba Kirisa wo tudunmɔɔ pusamaa, ni Kafɔɔ wo ceboronamaa pee, ni Sefasi* yε jε-ε wε?

6 Kelee nε ni Barinabasi ni, ta wèe yε p'a yaa na labye watii bε pyi, kɔnhɔ wù na já w'à wù jɔlige taa?

7 Mii yee d'a li logo, wa w'a sɔɔsiire pyi, wufɔɔ di nɔhɔ kuri yere ni wuyε ni wε? Kelee wa wu εɛɛɛn tiire nɔri wu ganha ba ti nagoo li-i wε? Kelee wa w'a yapɔɔyɔ naha, wu ganha ba yi jirimε gbuu-i wε?

8 Yi ganha ba giin na yemu sipyii wa yu ge, na yee yε nε pye na tɔɔgɔ tasinjε wε. Bani yee ninuyɔ y'a ka Kilε wo saliya wu bε ni.

9 Kilε tudunmɔɔ Musa ya yi ka saliya wu ni na: «Ma ganha bu jɔ le nù jɔ na na wu yaha wu na shinma tanhana tanhana wε.»* Ta niiyε yε ni Kilε ya wu funjɔ shaa na ye jo?

10 Li can koo ni, ta wèe wuu na bε w'a yi jo wε? Wèe wuu na w'a yi jo kunni. Bani li waha l'i waha, wemu w'a faa pyi ge, w'a yaa w'a wu pyi wu da daa; wemu bε w'a shinma sani ge, wu bε di da wu sani, wu da daa wu taa le na.

11 Ayiwa, wèe p'a Kilε jomɔ pu nuguro nugi yee mu. Wee tuun wu ni wèe bε na lɔ yee keŋε yaŋmuyɔ ni, ta lee ya ye wèe na?

* **9:5 Sefasi:** Arameyε sheen jomɔ pu jε pii, Girɛkii ma jo na Pyεeri. Ke mege ke kɔri wu jε na faaga. * **9:9** Duterɛnɔme 25:4

12 Ni pii di wa wee kuduun we taa yee mu, ta wu ya yaa ni wèe ni sanha na toro peefeε tàan wε? Ga wèe ya ta lee pye wε. Wèe ya kanhama tuugo beeri soro wùye ni, kònho kaa la shishiin ganha ba bari Kirisa wo Kilε Jozaama pu yeε li na wε.

13 Yee kunni d'a li ce be na jo piimu pu wa labye pyi Kilε-pεεηε pugbòho ki ni ge, Kilε-pεεηε pugbòho ki ni pee wo ñolige ya fòro. Piimu be pu wa saraya nizogoyo yi wo saraya yi tawologo ki ni ge, pee be wo tahaa wa fòro yee saraya ye ni.

14 Lee ninunò funṅò ni Kafòò be ya li koro yaha nago piimu p'a Kilε Jozaama pu yeε li pyi ge, pee wo ñolige di da fòro lee yeε li ni.

15 Ga ne ta le kuduun kaa le la shishiin sha yee mu wε, ne di wa ye kani be nago wee kuduun we di da nani na na wε. N'a xu be, ne lee funṅò lo na toro di ke fundanga ke yaha ki shò na na.

16 Ne da já da Kilε wo Jozaama pu jo kaa taga da naye peε wε. Bani na pu yeε pyi, lee ya ñeri ne ñunṅò ni fanha kaa. Ne bu bye ne pu yeε pyi be wε, bòongò ki da nò ne na.

17 Li da bi da nago kanna neye pyaa mu l'a taan, a ne ganha na Kilε Jozaama pu yeε li pyi, wee tuun wu ni ne bi yaa ni saraa ni. Ga ni pu jo w'i ya ta w'a foro neye pyaa ki ni wε, wee tuun wu ni labye wemu ye kaa l'a le na keṅe ni ge, wee n'a byi.

18 Ayiwa, wee tuun wu ni leke di wa ne wo saraa wu wε? Na Kilε Jozaama pu yu sipyii pu mu ma ni, kuduun wemu be w'a yaa ni na ni ge, di ganha ba wee be shaa wε. Lee ni ne wo saraa w'a fòro.

19 Ne ñe sipya wa shishiin wo bulo wε; ga lee be na ne kunni da naye yaha bulo sipyii beeri mu, kònho di já sipyiñehemεε ta Kirisa mu.

20 Nε bu bye ni Yawutuu ni tuun wemu ni, nε bε na nayε pye ba Yawutu nε wε, kǎnhǎ pu nijehemεε di juwuuro ta. Piimu p'a jaari na sahanji ni Kile tudunmǎǎ Musa wo saliya wu ni ge, nε bu bye ni pee ni, nε bε na bye ba pee nε wε, na ta li can koo ni, nε Musa wo saliya wu koo jaari wε. Ga nε ma lee pyi, kǎnhǎ pu nijehemεε di juwuuro ta.

21 Piimu pu nε pu ya Kile tudunmǎǎ Musa wo saliya wu koo jaari-i ge, nε bu bye ni pee ni, nε bε na bye ba pee nε wε; kǎnhǎ pu nijehemεε di juwuuro ta. Ga lee di wa nago kanna nε ta na Kile wo saliya wu koo jaari-i dε, bani Kirisa wo saliya wu koo nε jaari.

22 Piimu fanha k'a cǎrε n'a daa wu ni ge, nε bu bye ni pee ni, nε bε na nayε pye ba pee nε wε, kǎnhǎ pu nijehemεε di fanha ta. Lee funhǎ ni, piimu bu bye pyegana bεeri na, nε bu bye ni pu ni, nε bε na bye ba pu nε wε; kǎnhǎ li pye pyegana bεeri na, nigin nigin wa di juwuuro ta pu ni.

23 Kile wo Jozaama pu wuu na nε lee bεeri pyi, kǎnhǎ na bε di ba da pu kuduun wu ni.

24 Piimu p'a jahazhaanri tafεε ti fe ge, ta yee ya li cε na pu bεeri pu ma baa, ga shen nigin yε pe na ba jahagbaa li ta wε? Wee tuun wu ni yi bε pu la le yiyε ni, y'i da fe, kǎnhǎ yi bε di ba kuduun ta.

25 Piimu p'a tee jahazhaanri tafεε ti fe ge, pee ya pu yε tǎnha keree nijehenεε na. Pee wa pu wuu li pyi kuduun wemu kaa na ge, wee ya xhuu. Ga wεe wa wu wuu li pyi kuduun wemu kaa na ge, wee da ga xhǎ wε.

26 Lee wuu na nε na wo tafεε ti fe, ga nε ti fe jubadin wε; nε na wo kagurukpǎnyǎ yi bε pyi, ga

nε wo kaguruyo yi wa se kafεεε na wε.

²⁷ Nε na ceepuuro ti kana xuuni na naye co can can na keree niηehηεε tãan; kɔnhɔ di ganha bu Kile Jozaama pu jo sipyii pu mu, naye pyaa di dεεε pa buun wε.

10

Izirayeli shëen wo keree k'a pye wèe mu naha sheshεεε

¹ Na cebooloo, le l'a wèe sefelεε pu ta na pu yaha pu na jaari siwaga ki ni ge, yi funηɔ ganha bu wɔ lee na wε. Nahaηa k'a pu bεeri mara, a pu bεeri di ba suumɔ lɔhɔ ki kɔn ηeri.

² Pu bεeri p'a batize nahaηa ke, ni suumɔ lɔhɔ ki ni, na bye ni Kile tudunmɔɔ Musa ni kariηεεε ki ni.

³ Kile ya yalige kemu kan pu mu na yiri fugba wu ni ge, pu bεeri p'a kee li.

⁴ Kile ya lɔhɔ kemu kan pu mu ge, pu bεeri p'a kee gba. Bani fεfεεε faaga k'a bi pinne ni pu ni, na lɔhɔ kaan pu mu. Kirisa wu bye kee faaga ke.

⁵ Ga le bεeri kadugo na, pu niηehεmεε kapyegee ya pa daan Kile mu wε, lee l'a pu pye p'a xu siwaga ki ni.

⁶ Ayiwa, kii keree kii ya pye na shε wèe na, kɔnhɔ wèe bε ganha bu da lakuηɔ yaha ki wu le koguunɔ ni ba pee ya pye wε.

⁷ Pii wa bi yapεεε kaan pu ni. Yi bε ganha bu yiye yaha yapεεgaan ba pee ya pye wε! L'a ka pee shizhaa na Kile Kafila wu ni na: «Sipyii p'a tiin na li, na gba, lee kadugo na, a p'i xhɔ na shɔ to xɔnhɔɔ na na xhɔnhɔni pu yapεεε nahagbaa na.»*

* **10:7** Ekizode 32:6

⁸ Pii wa bye pu ni dɔdɔɔ. Yi be ganha bu da yiyɛ yaha dɔdɔɔ ba pee ya pye wɛ! Piimu p'a tee dɔdɔɔɔ ti pye ge, sipyii kabɔfonɔɔ kelɛɛ shuun ni taanri (23.000), pee p'a xu pu ni cana jii nigin funɔɔ ni.

⁹ Pii wa Kafɔɔ taanna wii pu ni. Yi be ganha bu da zɔɔ yi Kafɔɔ taanna wii wɛ! Piimu p'a lee pye ge, wɔlɔɔ p'a pee nɔ na gbo.

¹⁰ Pii wa bi ηmunu-ηmunɔ pu ni. Yi be ganha ba ηmunu-ηmunɔ ba pee ya pye wɛ! Piimu p'a lee pye ge, mɛlɛkɛ munaawuumɔ w'a pa pee bɛɛri gbo.

¹¹ Kii bɔɔngɔ keree kii bɛɛri ya pee ta, kɔnhɔ k'i já pye nahha shɛshɛɛɛ wɛɛ mu. P'a kii keree kii ka, kɔnhɔ k'i ba bye kalaa wɛɛ mu, wɛɛ piimu pu jɛ taaxɔɔ li kɔjɔɔɔ na ge.

¹² Wee tuun wu ni sipya wemu w'a wuyɛ wii na wee yeregana ya jɔ ge, weefɔɔ wu la le wuyɛ ni wu ganha bu da gurunɔ do wɛ.

¹³ Nɔwuuro temu t'a yee taa ge, tee ninuuro t'a sipyii pusamaa bɛɛri taa. Kile jɛ jɔmɛɛ fɔɔ, wu da ga sɔɔ yee nɔhɔ ki wolo fo di zhɛ dorɔ yi fanha ki tɛhɛɛ tɔan wɛ. Ga tuun wemu ni nɔwuuro ti da ba nɔ yi na ge, Kile na fanha kan yi mu, kɔnhɔ yi já ti xu yiyɛ ni, na guri na taforogo be kan yi mu.

Wù wùye tanha yapɛɛɛ keree tuugo bɛɛri na

¹⁴ Lee wuu na na taanjiinɛɛ, yi sii yi tɔɔgɔ wolo yapɛɛɛgaanra ni fɛfɛɛɛ!

¹⁵ Y'a keree kɔri cɛ, lee jogana le n'a yu ni yi ni. Ye n'a yu yi mu ge, yiyɛ pyaa be ki yi wii!

¹⁶ Wɛɛ ba da Kafɔɔ fɛfɛɛɛɛ yalige ki li, wɛɛ ma baraga taha Kile na na yagbaga kemu gba ge, ta kee wa ma li shɛɛ na Kirisa ni wɛɛ jɛ karijɛɛɛɛ ni wu shishan pu baraga ni wɛ? Buuri wu be wɛɛ ma

daa daa wùye na ge, ta wee be ya li shee na Kirisa ni wèe ne karijeege ni wu ceepuuro ti baraga ni we?

17 Buuri nuṅo nigin ye ki ne. Ali na wèe yaha wèe ya nehe be, wèe beeri ya pinne na bye ceepuuro nigin. Bani wèe beeri p'a ke buuri nuṅo nigin we taani wùye na.

18 Lemu li bi byi Izirayeli nagoo pu niye ni ge, yi yi funṅo kɔn lee na. Piimu p'a bi ma saraga yanmuyɔ yi li pee ni ge, ta pee ne ma bye ni Kile ni karijeege ni we? Bani Kile wogo ki ne saraya nizogoyo yi tawologo yaaga ke.

19 Leke ne jomɔ p'i wa zhe we? Na kaṅɔ li wa yaperɛe ki na laa? Ta xaara te p'a gbuu ki na ge, tee na kaṅɔ li wa?

20 Bada, lee la be we. Ga ne wo jomɔ p'a li shee nago yanmuyɔ yemu yaperɛgaan p'a wo na gaan yaperɛe ki mu ge, jo jinaa mu p'a yee kaan, yi wa gaan Kile mu we. Ne funṅo di wa yee pu pye karijeege ni ni jinaa ni we.

21 Yee da já da gbuu Kafɔ wo ceegbuu li ni, yi da se y'a gbuu sanha jinaa be wuu li ni we! Yee da já da li ni Kafɔ ni, yi da li ni jinaa be ni we!

22 Kelee ta w'à giin wù Kafɔ wo niizhaga ki yirige? Ta wèe fanha ya nehe wu wogo na?

N'a daa fee pu kapyegee ya yaa na nɔɔɔ tɛri Kafɔ mege na

23 «Keree beeri no ya kan» ba yee wa yi yu we; ga kuduun ne keree beeri ni we. «Keree beeri no ya kan», ga keree beeri di wa da zhe ni yee ni naha na n'a daa wu ni we.

24 Wa shishiin ganha ba wuyε nigin wo kuduun keree shaa wε! Wa bεeri ya yaa w'a kaa pyi lemu wo kuduun wu jε watii na ge.

25 Xaara tuugo bεeri y'a ja ti bεrεε caan na ge, yi ganha ba ti keree yegee wε, y'a ti xaa! Yi ganha bu nakaara ta shishiin yaha yi zɔɔɔ pu na tee wuu na wε!

26 Bani l'a ka Kilε Kafila wu ni na: «Ninε ke ni ki yanmuyɔ bεeri yi jε Kafɔɔ woyo.»*

27 Wemu jε Kiricεn wε, wee wa bu yi yiri yalige na wu puga, yi bu shε wà, wu bu shε yalige tuugo bεeri kan yi mu, yi ganha bu ki keree yege wε. Yi ki li yi ganha bu da nakaara ta shishiin yaha yi zɔɔɔ pu na wε!

28 Ga wa bu yi pye: «Yapεrεε xaara ti jε te dε!» Wee tuun wu ni, yi ganha bu ti xa nige wε! Wemu w'a yi funɔɔ to ge, nakaara ti jε wu zɔ wu ni. Lee wuu na, yi ganha bu ti xa wε!

29 Nε wa ye yu yee wo zɔɔɔ pu wo nakaara wuu na-ε dε! Ga wemu w'a yi funɔɔ to ge, wee wo zɔ wu wo nakaara wuu na.

Ayiwa, pii na ba jo yee ni na: «Naha na watii wo zɔ nakaara di da ba dεrεε jaagi shan nε na wε?»

30 Yalige ke nε da lii ge, nε bu baraga taha Kilε na kee wuu na, lekε di da ba jaagi shan nε na kee wuu na, nε d'a baraga taha na xɔ Kilε na wε?

31 Lee funɔɔ ni, yaaga kemu y'a da lii ge; yaaga kemu y'a da gba ge; kaa tuugo bεeri y'a da bye ge, kii bεeri ya yaa na nɔɔɔ tɛri Kilε na.

32 Wa shishiin ganha da kaa pye yi ni lemu na Yawutu wa, kelee Girεki wa, kelee Kilε wo Egilizi wu sipya wa juno kyεεgi wε.

* **10:26** Zaburuu 24:2

33 Yi pye ba ne je we! Ne la le naye ni na sipyii beeri wo jidaan pyi keree beeri ni. Ne naye mege wo kuduun shaa we, ga sipyii beeri wo kuduun ne zhaa, kɔnhɔ p'i já shɔ.

11

Cee jubɔɔ keree Kile pɛleduun ni

1 Ayiwa, yi pye na taannivɛɛ ba ne be ya Kirisa taanni taannigana lemu na we!

2 Na cebooloo, ne yi sɔni xuuni, bani yee ya fungɔngɔ yaha ne na keree beeri ni, kalaa wemu be ne kan yee mu ge, na nɔhɔ na wu be koo jaari.

3 Ga kaa nigin je wà, na funɔɔ ki wa y'i lee ce: Kirisa wu je ná beeri wo juɔɔfɔɔ; ná be di je wu shɔ juɔɔfɔɔ; Kile di je Kirisa be wo juɔɔfɔɔ.

4 Wee tuun wu ni, ná wemu ba Kile jeeri, kelee na kafila nuri Kile jɔ na na dorogo, wu ba lee la shi pyi na wu juɔɔ yaha k'a tɔ, wu ya baraga taha Kirisa na we.

5 Ga cee ba Kile jeeri, kelee na kafila nuri Kile jɔ na na yu; wu ba lee la shi pyi na ta jubɔɔ je wu juɔɔ ni we, ná we wu je wu juɔɔfɔɔ wu ge, wu ya baraga taha wee na we. W'a jeri ba cee juɔɔmaa wo je we.

6 Cee wemu bu jo wu da jubɔɔ pɔ wu juɔɔ ni we, wee tuun wu ni wu mehe juzhiire ti kɔn. Ga cee na wu juzhiire kɔn, kelee na juɔɔ ki xuu, lee bi je cee mu shiige, wee tuun wu ni w'a yaa wu jubɔɔ pɔ.

7 Ná ya yaa wu pa wu juɔɔ tɔ we, bani Kile jaa ni w'a yàa, na Kile wo nɔɔɔ wu be sheɛ. Ga cee di ná be wo nɔɔɔ wu sheɛ.

8 Bani ná ya ta foro cee ni pu yaaduun wu ni we, ga cee w'a foro ná ni.

⁹ Ná di ya ta yàa cee wuu na wε, ga cee w'a yàa ná wuu na.

¹⁰ Lee wuu na cee ya yaa na jubɔɔ pɔ mɛlɛkɛɛ pu wuu na, lee di bye ɲaha shɛshɛɛɛɛ, temu ya li shɛɛ na w'a wuyɛ tirige wu poo mu ge.

¹¹ Ga lee bɛ na, na wèe yaha Kafɔɔ wo kariɲɛɛge ki ni, wèe ya li cɛ jo cee da já bee ná baa wε, ná bɛ di da já bee cee baa wε.

¹² Bani cee w'a foro ná ni pu yaaduun ni; ga nime cee w'a ná seni, lee bɛɛri d'a foro Kile ni.

¹³ Yiyɛ pyaa bɛ ki li wii ge. Ta l'a saha cee w'a Kile ɲɛɛri n'a daa fɛɛ niɲɛ ni jubɔɔ baa?

¹⁴ Na saha ni sipyii yɛ pyaa yaagana ni, ta yee wa li ɲaa na jo ná na wu ɲuzhiire yaha t'a tɔnnɔ, na shiige kaa li ɲɛ lere wε?

¹⁵ Ga na li ta cee bu wu ɲuzhiire yaha t'a tɔnnɔ, lee ɲɛ ɲuyirige; bani jubɔɔ wege ni Kile ya ɲuzhiitɔɔnyɔ kan cee mu.

¹⁶ Ayiwa, wa ba giin wu da nakaara pyi sanha kii keree kii shizhaa na; wèe kunni ya pyegana latii cɛ nige le kadugo na wε; pyegana latii bɛ di wa egilizi wa shishiin ni le kadugo na wε.

Kafɔɔ wo fɛfɛɛɛ yalige ki ligana

¹⁷ Ayiwa, n'a da kaa nigin wa taga yi funɲɔ to, nɛ kunni wa da já yi sɔ lee wuu na bada wε. Lee li wa mɛ. Pinnɛɛ temu yee ya byi ge, ti ya la ɲɔgi yee na wε, fo kakara.

¹⁸ Li nizhiine li wa le: Nɛ logo na ba yee ya yiyɛ pinne jomɔ na wε, na yee ya bɛni wε, yee na daa daa. Nɛ giin jo can wa bɛ pee jomɔ pe ni.

19 Li waha l'i waha yee ya yaa na taa taa, nakaara be wa lee ni we; kɔnhɔ piimu p'a n'a daa wu co xuuni ge, pee di je shɔɔnri yi te ni.

20 Yee bu yiyε pinne, yalige ke yee ma li ge, kee ne Kafɔɔ wo fεfεεε yalige ki we.

21 Bani ba yee ya yiyε pinne Kafɔɔ wo yalige ki kaa na we, yee na gburogi, wa beeri na dii wuyε pyaa wo yalige na, na she kee lo na li. Lee funɔ ni pii na ba gori ni xuugo ni, pii d'a tin, na gba fo na figi.

22 Wee tuun wu ni piyεyε ne yee mu-i ge? Ta yee ya ja na li wa, na gbuu wa we? Kelee y'a giin y'i Kile wo Egilizi wu yaha jate baa yaaga ge? Na fara lee na, piimu pu ne funmɔ feε pu ge, y'a giin yi shiige le pee nahaya ni kunni? Yi wa giin ne yekε jo we? Di yi so lee wuu na laa? Lee kunni da ja bye we!

Yekε Pɔli ya jo Kafɔɔ wo fεfεεε yalige ki keree na ge

23 Ayiwa, ne kalaa wemu ta Kafɔɔ mu, na wee ninumɔ kan yee mu ge, wee wu wa me: Piige kemu ni pu bi da ba Kafɔɔ Yesu le kenε ni ge, w'a buuri lo kee piige ki ni,

24 na baraga taha Kile na, na wu kegi kegi na kan wu kalaapiire ti mu, na jo: «Ne ceepuuro ti wa te, yee wuu na t'a kan. Y'a le pyi kɔnhɔ yi funyɔ di da dun ni na kaa ni.»

25 Ba p'a li xo we, a wu εεzen loho ceεgbuu li be lo kan pu mu, na jo: «Kile ya kari neεge nɔmεε nivonɔ lemɔ lo sipyii mu ne shishan baraga ni ge, lee li wa me ke εεzen loho ke. Yi ba da ki gba tuun beeri ni, yi ki gba kɔnhɔ yi funyɔ di do ni na kaa ni.»

26 Wee tuun wu ni, tuun beeri ni yee ya wee buuri we li, na kee ezen lɔhɔ ke gbuu ge, Kafɔɔ wo xu wu keree yee ya yu lee funɔɔ ni, fo wu ga guri pa sanha.

27 Lee wuu na sipyaa sipya w'a wee buuri we li, na kee lɔhɔ ke gba gbagana la na lemu ya baraga tɛri Kafɔɔ mɛge na-ɛ ge, weefɔɔ ya jaagi shan wuyɛ na Kafɔɔ ceepuuro te, ni wu shishan pu shizhaa na.

28 Lee wuu na, wa beeri ya yaa na fɛnhɛ wu zɔ wu nɔhɔ wolo wii, wee tuun wu ni wufɔɔ di na wee buuri we li, wu kee lɔhɔ ke gba.

29 Lee be wɛ, sipya wemu w'a wee buuri we li, na kee lɔhɔ ke gbuu, na ta kɔri wemu wu nɛ yi na Kafɔɔ ceepuuro ti shizhaa na ge, wufɔɔ di ya wee jate wɛ, kiiri weefɔɔ ya shan wuyɛ nɔɔ ni ni wee buuri we li, ni kee lɔhɔ ke gba ni.

30 Lee l'a shɛnɛhɛmɛɛ pye pii na yá, pii fanha d'a xɔ yee ni. Lee l'a pii pye p'a xu be yee ni.

31 Wee bu fɛnhɛ wù zɔɔ pu nɔhɔ wolo wii naha na, Kilɛ wo kiiri wu da do nige wèe nɔɔ ni wɛ.

32 Ga Kafɔɔ ya kiiri kɔɔn wèe na, na wèe kuuni, kɔnhɔ kiiri ganha ba shɛ binne do wèe nɔɔ ni ni kɔɔ ke wo sipyii pusamaa ni wɛ.

33 Ayiwa na cebooloo, lee funɔɔ ni yi ba da yiyɛ pinne y'i Kafɔɔ wo fɛfɛɛɛ yalige ki li, y'a yaa na yere yiyɛ sige.

34 Xuugo ba da k'a shɔ wa ni, wufɔɔ wu li wu puga wu na w'a ma; kɔnhɔ yi ganha bu da da yiyɛ pinneɛ, yi da kiiri shaan yiyɛ na wɛ.

Ayiwa, nɛyɛ pyaa ki ba nɔ wà yi yíri tuun wemu ni, nɛ na keree kisaɔaa naha shɔɔnri.

12

Loolodahaa kiimu Fefere Munaa l'a gaan ge

¹ Ayiwa na cebooloo, Fefere Munaa l'a loolodahaa kiimu kaan ge, ne funno ki wa y'i kee keree ce yi fiinne.

² Yeeye pyaa k'a li ce na jo tuun wemu ni yee di bye yee sanha Kile ce-ε ge, yee bi yiye yaha yafere keɲe ni, na daha ki noho ni, na ta no di wa be kee yafere kii mu k'a yu we.

³ Lee wuu na n'a yi yu yi mu, y'i li ce na jo Kile Munaa ne sipya wemu ni ge, weefo da ga ja jo na Yesu wu laɲi we. Fefere Munaa bu bye li ne sipya wemu be ni we, weefo be da ga ja jo na Kafoo wu ne Yesu we.

⁴ Loolodahaa tuuyo niɲehaye yi wa wa, ga Fefere Munaa nigin l'a ki beeri kaan.

⁵ Labye wemu l'a gaan we mu ge, wee labye we tuuyo y'a nehe, ga wu beeri di byi Kafonumɔ we mu.

⁶ Kapyegge kii tuuyo be d'a nehe, ga Kilenumɔ we w'a ki sefere kaan wu beeri nigin nigin wu mu wu na byi.

⁷ Fefere Munaa l'a liye shee ni loolodahaa ni, l'a kiimu kaan we mu ge, konho wa beeri di da sipyii pu beeri mago noɲi.

⁸ Lee Munaa le li ma se kan wa mu wu na fungongo fere jomɔ yu, lee Munaa le ninuno na ba se kan wa betii mu wu na laje jomɔ yu.

⁹ Lee Munaa le ninuno ma ba wa wo n'a daa pye w'a pele fo xuuni; lee ninuno na ba sefere kan sanha wa be mu wu na yama fe cuuno.

¹⁰ Fefere Munaa li ma sefere kan wa mu wu na kakanhanja pyi; na sefere kan wa mu wu na

Kile tuduro yu. L'a se kan wa be mu sanha wu na munaakuunɔɔ kii wo kapyegee ceni na zhoonri Fefere Munaa li wogoo ki ni. L'a ba sefere kan watii be mu wu na shi watii jomɔ yu wu sanha dee pemu jo na we; na sefere kan wa be mu sanha wee na ganha na pee jomɔ pe kori yu.

¹¹ Ga Fefere Munaa nigin we, lee li wa kii keree kii beeri pyi li ye. Lee li wa kii loolodahaa kii beeri kaan, wa beeri ni ma wuu, na be ni liye pyaa jidaan ni.

N'a daa fe pu beeri ya jeri pye ceepuuro nigin

¹² Ayiwa, sipya ceepuuro, nigin ti je tii; ga ti yatanye d'a jehɛ. Wee tuun wu ni, ceepuuro yatanye ni yi jehɛgana beeri, ba yee wa me ceepuuro nigin we, we piimu pu wa ni Kirisa ni karijɛge ni ge, mu li wa we be mu.

¹³ Bani Fefere Munaa nigin ni we beeri ya batize, na binne na bye ceepuuro nigin. Ma Yawutu la, ma Girɛki la, ma bulo la, ma shiin je maye wo la, we beeri p'a Fefere Munaa nigin we ta.

¹⁴ Ayiwa, ceepuuro ya ya ni yatenge nigin ni we, ga yatanye njehɛye ni t'a ya.

¹⁵ Toɔɔ bu jo na ba ni kee di wa kenɛ we, wee tuun wu ni na kee njɛ wa ceepuuro ti ni we, lee na ki njɛ kon wolo ceepuuro ti yatanye yi ni ya?

¹⁶ Niwii be bu jo na ba ni lee di wa jii we, wee tuun wu ni na lee njɛ wa ceepuuro ti ni we, lee na li njɛ kon wolo ceepuuro ti yatanye yi ni ya?

¹⁷ Sipya ceepuuro beeri da bi bye jii ye nigin, dii wu bi da da nuri we? Kelee ti beeri da bi da niwii ye na, dii wu bi da da nugo nuri we?

18 Ga li can koo ni, Kile ya ceepuuro yatenyε yi bεeri nigin nigin le ti ni, na bε ni wuyε pyaa nidaan ni.

19 Ceepuuro ti bεeri da bi da yatengε nigin yε na, ta ti bi da bye mε sanha ceepuuro?

20 Lee wuu na ceepuuro yatenyε y'a jεhε, ga ceepuuro te di jε nigin yε pe.

21 Lee wuu na jii da já kenε pye: «Nε yaaga wa mu ni wε.» Nuηɔ bε di da já tɔɔɔ pye: «Nε yaaga wa yee ni wε.»

Ceepuuro yatenyε ya yiyε kenε sogoo

22 Li can koo ni, yatenyε yemu wèe ya wii ceepuuro ni jo yee wo baraga k'a xɔ fo xuuni ge, yee bε wo kaηɔ li jε wà.

23 Ceepuuro ti yatenyε yemu wèe ya wii na jo yi jε yaaga-ε ge, yee wèe ya gemεε xuuni na toro yi saya tàan. Yemu yi jε shiige woyo ge, na baraga tɛri yee na na toro yi saya tàan.

24 Yemu jε shiige woyo wε, wèe ya kee baraga ke tuugo tɛri yee na wε. Lee yaagana le na Kile ya ceepuuro yatenyε yàa, yemu yi jε baraga baa ge, kɔnhɔ wèe di da baraga tɛri yee na xuuni.

25 W'a lee pye mu kɔnhɔ ceepuuro ti yatenyε ya shishiin ganha bu da waa laha ya na wε; ga yi bεeri di binne, y'i da yiyε kenε sogoo.

26 Ceepuuro ti yatengε ka ba gana, yatenyε yi bεeri yi da binne da gana ni kee ni. Yatengε ka bu pεenε ta, yatenyε yi bεeri yi da binne funηɔ taan ni kee ni.

27 Yee bεeri p'a pinne na bye Kirisa wo ceepuuro. Yee bεeri nigin nigin wu jε wu ceepuuro ti yatenyε ya.

28 Lee tenegana li na Kile ya pii tenε Egilizi wu ni wu labye wu kaa na. Pu nizhiilee ne Kirisa wo tudunmoo, pu shuun wuu ne piimu p'a nuri Kile no na na dorogo ge, pu taanri wuu ne karamogoloo; lee kadugo na a wu sefeere kan pii mu pu na kakanhaanaa pyi, na sefeere kan pii mu pee na yama fee cuuno, na se kan pii mu pu na pusamaa teri, na pii pye nahagbaa fee, na sefeere kan pii mu pu na shi watii jomoo yu pu sanha dee pemu jo na we.

29 Ta l'a yaa pu beeri pu pye Kirisa wo tudunmoo? L'a yaa pu beeri p'a nuri Kile no na p'a dorogo ya? L'a yaa pu beeri pu pye karamogoloo ya? Ta pu beeri mu sefeere ya kan p'a kakanhaanaa pyi?

30 Ta pu beeri mu sefeere ya kan p'a yama fee cuuno? Ta pu beeri mu sefeere ya kan p'a shi jomoo patii yu? Ta pu beeri mu sefeere ya kan p'a pee shi jomoo pe kori yu?

31 Ayiwa, loolodahaa kiimu wo tayerege k'a pele xuuni ge, y'a kee kaa kilee. Ga kaa lemu li wa kii beeri naha na ge, nime n'a da lee she yi na.

13

Taannege

1 Ayiwa, li nehe da nago ne sipyii pu beeri wo shi jomoo pe ce na yu, na melkee pu be wo pu ce, taannege di ne ne ni we, ne jomoo pu je ya yaaga be no we. Ne neri maga, kelee yatinne, na tunmoo ye yeege.

2 Ali ne nehe da bi kafila nuri Kile no na na dorogo; kelee kanmohoo kii beeri wo laje, ni ceme pe beeri wo sefeere ya kan ne mu; kelee ne n'a daa wu baraga ya pele fo na faaboboyo kooongi na leri

yi tayahaŋa ni, na ta taanŋeege di ŋe ne ni we, ne ŋe yafiin be we.

³ Ali ne ŋehe da na keŋe yaŋmuyɔ beeri loolo la baa fee na, na soɔ na na ceepuuro ti be kan pu sorogo be, taanŋeege bye k'i ŋe ne ni we, lee la shishiin ya yaaga ŋɔ ne na we.

⁴ Taanŋeege luu ya mara, taanŋeege ya saama pyi, ŋepɛɛn ŋe taanŋeege ni we, taanŋeege ya ŋɔsanga pyi we, taanŋeege ya tabaara pyi we,

⁵ taanŋeege ya shiige kaa pyi we, taanŋeege ya kiyɛ kuduun shaa we, taanŋeege luu ya yiri tɔvuyo na we, taanŋeege ŋe ni funguɔŋɔ ni we,

⁶ taanŋeege ya fundanga pyi katiibaagaa shizhaa na we, ga can keree na k'a fundanga pyi,

⁷ taanŋeege ya keree beeri yafani, taanŋeege ya daa sipyii na keree beeri ni, taanŋeege fungɔŋɔ ya leri ki tadaŋa na we, taanŋeege ya keree beeri soro.

⁸ Taanŋeege ya xhuu bada we; piimu pu wa nuri Kile ŋɔ na na dorogo ge, lee na ba xhɔ; shi jomɔ patii wo loolodahaa ki na ba xhɔ; cemɛ pu be na ba xhɔ.

⁹ Bani wɛe wo cemɛ pu ŋɔ ya ta fa we, jomɔ pemu be wɛe ya nuri Kile ŋɔ na na dorogo ge, wɛe di ya pu be beeri taa we.

¹⁰ Ga lemu wo ŋɔ k'a fa ge, lee ba ba cana kemu, lemu li ŋe li ŋɔ ya fa-ɛ ge, lee na xhɔ.

¹¹ Tuun wemu ni ne bi bye nɔhɔcerɛɛ ge, ne jomɔ yoo, na fungɔŋɔ yoo, na keree naha cɛgana yoo, kii beeri bi bye nɔhɔpiire wogoo. Ga ba ne pa le we, keree kiimu beeri ki ŋe nɔhɔpiire wogoo ge, a ne kee beeri ŋɔ yaha.

¹² Ali nime be ni, keree kiimu wɛe ya naa ge, wɛe ya ki beeri taa na naa we. Ki ŋe kanna jaawiige ni

wèe ya ki wii, na bye wèe ya ki bæeri jaa wε. Ga caɲa jii la wa ma, wù na ba kee keree ki ja jaha ni jaha. Ali ni jaa bε ni, keree kiimu nε cε ge, ki jɔ ya fa wε. Ga caɲa jii la wa ma, nε na ba keree ki bæeri cε fo na nɔ ki tɛhɛnɛ na, ba Kile ya nε cε mε wε.

¹³ Ayiwa, kii keree taanri we, kii k'a kori yaha nime: n'a daa fεεε, ni tadaɲa, ni taanɲεεge. Ga ki bæeri wo nigbɔɔ di jε taanɲεεge.

14

Kile Munaa li wo loolodahaa k'a yaa na pu bæeri mago jɔgi

¹ Ayiwa na cebooloo, lee wuu na y'a yaa yi fɛnhɛ taanɲεεge sha keree bæeri jaha na! Fεfεεε Munaa l'a loolodahaa kiimu kaan ge, yi da kee bε shaa! Ga na nuri Kile jɔ na na dorogo wo loolodaa le, y'a lee shaa xuuni.

² Wemu ba shi watii jomɔ* yu, weefɔɔ ya yu ni sipyii ni wε, ga Kile ni wu ma yu. Keree kiimu wu ma yu Fεfεεε Munaa li gbɔɔɔ ni ge, kee ma ηmɔhɔ, bani wa shishiin ya ki ceni wε.

³ Ga wemu ba kafila nuri Kile jɔ na na yu, sipyii ni weefɔɔ ma yu, kɔnhɔ pu da se jaha na n'a daa wu ni, samɔhɔɔ di da jin pu ni, pu da lojine taa.

⁴ Wemu ba shi watii jomɔ yu wuyε nigin wo n'a daa weefɔɔ ya luu na se jahagbaa na. Ga wemu ba kafila nuri Kile jɔ na na yu, n'a daa fεε pu bæeri wo n'a daa wu weefɔɔ ma luu na se jaha na.

* **14:2 Shi watii jomɔ:** Pee jε shi jomɔ pemu ma m'a yu Kile wo sefεεε ti funjɔ ni ma di sanha dee pu jo ja-ε ge. Pu na já bye jɲɲε ke wo shi jomɔ kelee melekεε wo jomɔ.

⁵ Nε funṅɔ ki wa Kile di se kan yi beeri mu, y'i já y'a shi watii jomɔ yu. Ga lemu l'a dan nε ni sanha na toro lee be taan ge, lee li wa me jo Kile wu se kan yi mu yi da nuri wu ṅɔ na y'a dorogo sipyii mu. Bani na kafila nuri Kile ṅɔ na na yu, lee kaṅɔ ya pelee na toro shi jomɔ patii wo jo taan. Fo pee shi jomɔ pe kari bu jo, p'i na já she ni Egilizi wu n'a daa wu ni ṅaha na.

⁶ Ayiwa na cebooloo, nε bu she yee yiri nime we ni, nε di ya she Kile wo kashεε la paari yee mu we, nε di ya Kile wo laje watii keree jo yee mu we, nε di ya jomɔ pa logo Kile ṅɔ na na torogo yee mu we, nε di ya she yee kalaa we; ga fo na shi jomɔ patii yu yee mu, leke nε di da ṅɔ yee na lee funṅɔ ni we?

⁷ Wù ṅaha sheshεεε lɔ yatinye ya na, sibene* kelee koni: Meheε ki bye k'i ya yu ki jogana na we, dii wa da bye wu li ce na le jegulo le li wa sibene li mεε le, kelee koni wu mεε li we?

⁸ Maga kemu pu ma wi kashεṅṅmɔ pu na gbegele foro ge, kee maga ke bye k'i ya wi ki wigana na we, kashεṅṅmɔ weke w'i da gbegele we?

⁹ Mu li wa yee be mu. Jomɔ pe yee ya giin di jo ge, yee ba pee yu shi jomɔ patii ni, dii sipya di da bye wu pee kari ce we? Pee jomɔ pe ya ṅeri ba kafεεge ṅε we.

¹⁰ Shi jomɔ tuuyo niṅehεye yi wa koṅɔ ke na, ga yi beeri di wa ni kari ni.

¹¹ Ga sipya watii ba yu ni nε ni shi watii jomɔ ni nε di ya pee nuri we, wemu w'a yu ni nε ni ge, nε ṅeri weefɔɔ mu nabun, a weefɔɔ be di ṅeri nε mu nabun.

* **14:7 Sibene:** Lee ṅε faan.

12 Ayiwa, ba ni yee di wa Fεfεεεε Munaa li wo loolodahaa ki la pyi, wee tuun wu ni, kiimu k'a se ni Egilizi ni nahagbaa na ge, y'a kee shaa yi kee ta xuuni.

13 Lee wuu na wemu ba shi watii jomɔ yu, weefɔɔ ya yaa w'a Kile jεeri kɔnhɔ wu já w'a pee jomɔ pe kɔri yu.

14 Bani nε ba Kile jεeri shi watii jomɔ ni, nε zɔ wu ma bye jεεγε ki na, ga jomɔ pe nε yu ge, nε fungɔngɔ ke di ya labye pyi pee shizhaa na wε.

15 Wee tuun wu ni nε di da leke pye wε? N'a da Kile jεeri ni na zɔ wu ni, ga n'a da wu jεeri ni na fungɔngɔ ki bε ni. N'a da Kile masɔɔ yoyo cee ni na zɔ wu ni, ga nε na da yi cee ni na fungɔngɔ ki bε ni.

16 Lee kaa bε wε, mu ba baraga tɛri Kile na shi jomɔ patii ni, wemu wu jε wà sipyiire ti ni wee ya pee jomɔ pu nuri-i ge, dii wee di da já «Amiina» jo mu Kile-jεεγε ki na wε? Bani ye mu ya yu ge, wu ya yi cε wε.

17 Ali na mu Kile-jεεγε ki ta k'a jɔ bε, ki ya yaaga bε le wee wo n'a daa wu ni wε.

18 Nε shi jomɔ patii nijεhemε yu ali na toro yee tãan, nε baraga taha Kile na lee wuu na.

19 Ga n'a daa fεε pinnεε ni, jɔɔnii kaguro wemu naha ya cε ge, na kee k'a ye taga sipyiire ti kalaa, nε lee funɔɔ lɔ na toro jɔɔnii kabɔfɔɔ ke (10.000) jo tãan shi jomɔ patii ni pemu naha ya cε-ε ge.

20 Na cebooloo, yi ganha ba yi funyɔ kɔɔn ba nɔhɔpiire jε-ε wε. Kakuuyo shizhaa na kunni y'a yaa na pye ba pubinnεε jε wε. Ga funzhaga shizhaa na y'a yaa yi pye sipyilεyε.

21 L'a ka Kile Kafila wu ni na:

«Shi watii wo jomɔ ni n'a da ba jo ni we shi we ni.

Nabuun nɔyɔ na n'a da ba jo ni wu ni.

Ga lee bε na p'a da ba nε jomɔ pu logo wε.

Kafɔɔ w'a jo mu.»*

²² Lee wuu na, na yu shi watii jomɔ ni, piimu nε Kiricεen wε, Kile wo naha sheshεere ti nε tere pee mu, t'i nε naha sheshεere n'a daa fεε mu wε. Ga na kafila nuri Kile nɔ na na yu sipyii mu, tee nε Kile wo naha sheshεere n'a daa fεε mu, ga piimu nε Kiricεen wε, t'i nε naha sheshεere pee mu wε.

²³ Yiyε pyaa bε ki li wii gε! Yee egilizi wu sipyii pu bεeri bu puyε pinne, yee bεeri ba shi watii jomɔ yu, a piitiilee di nɔ yee ta yee na pee yu, kelee piimu nε Kiricεen wε, pee ya nɔ yee ta mu, ta pu da jo na yee bεeri nɔnɔmogoo k'a yiri wε?

²⁴ Ga yee bεeri ba jomɔ nuri Kile nɔ na na dorogo. Wemu nε Kiricεen wε, a wee wa di nɔ wà, kelee sipya watii. Yemu w'a nuri yee nɔ na ge, wu zɔ wu na wu jaagi yee na. Pee jomɔ pe na ba kiiri kɔn wu na!

²⁵ Keree kiimu bεeri k'a nɔnɔ wu funnɔ ni ge, kee bεeri na zhεε kpεεngε na. W'a nuguro sin, na wu naha buri, na Kile pele, na jo: «Can can na Kile wa ni yee ni.»

Keree ki bεeriyayaa na zhɔnri ki shɔnrigana na

²⁶ Ayiwa na cebooloo, y'a yaa y'a lemu pyi ge, lee li wa mε. Yi ba yiyε pinne, Kile-peεngε kelee wu masɔnɔ yogo bu da wa mu, wu ki cee. Jomɔ bu da wa mu di daga pusamaa kalaa, wu pu jo. Kile bu da w'a kashεε she wa na, wufɔɔ bε wu lee jo. Kile bu da w'a shi watii jomɔ she wa na, wufɔɔ wu pee

* **14:21** Ezayi 28:11-12; Dutεrenɔmε 28:49

jo. Wa be bu da na da ja pee jomɔ pe kari jo, weefɔɔ be wu pee jo. Ga ki beeri ya yaa k'a byi kɔnhɔ n'a daa fεε pu da se naha na n'a daa wu ni.

²⁷ Li bu da pu na da shi watii jomɔ jo, sipyii shuun kelee taanri yε w'a yaa na pee jo nigin nigin na. Wa betii di da wà weefɔɔ di da pee jomɔ pe kari yu!

²⁸ Wa bye wu ya ta wemu na ja da pee jomɔ pu kari yu wε, wee tuun wu ni piimu pu nε ni pee jomɔ pu wo loolodahaa ki ni ge, pee ya yaa na cari puyε na. Wa ba da wu wo jo, wu pu jo wuyε funɲɔ ni wu ni Kilε ni, wa ganha bu da wu wo mujuu li yeege nige sipyiire ti tε ni wε.

²⁹ Piimu p'a kafila nuri Kilε nɔ na na yu ge, pee ba da jo, pu shuun kelee pu taanri yε wu jo, pusamaa di niwegee shan ni pee woyo yi ni, p'i yi suguri.

³⁰ Ga Kilε bu kashεε la she sipyitεεngε ka na, wemu w'a bi yiri yere na yu ge, weefɔɔ ya yaa wu cari wuyε na.

³¹ Yee beeri na ja da nuri Kilε nɔ na na dorogo nigin nigin, kɔnhɔ pu beeri di kalaa ta, samɔhɔɔ be di jε pu ni.

³² Kilε ya lee loolodaa le kan sipyii piimu mu p'a nuri wu nɔ na p'a dorogo ge, se wa pee sipyii pii ni pu ja kuu puyε mu.

³³ Bani Kilε ya ta pye kawuriye Kilε wε, ga narinε Kilε wu nε wii.

Ayiwa, ma na jo ba li wa fεfεεεε sipyii pu wo egilizii pu beeri ni wε,

³⁴ yi ba yiyε pinne, cèe pu ya yaa pee p'a jomɔ luu p'a yu wε. Li ya saha pee p'a yu egilizi wu funɲɔ ni wε. P'a yaa pu puyε tirige ma na jo ba Kilε wo

saliya nɔmɛhɛɛ k'a yi yu wɛ.*

³⁵ Pii ba giin p'i kaa la yegenɛ pye p'i li naha cɛ, peefɛɛ pu pu namaa yege lee kaa li na deeye ni. Li ya saha cee wu yiri w'a yu n'a daa fɛɛ pinnɛɛ ni wɛ.

³⁶ Wee tuun wu ni ta yee yiri Kilɛ Kafila w'a yiri? Kelee ta yee yɛ na w'a da?

³⁷ Wa ba wuyɛ wii na jomɔ wee ya nuri Kilɛ nɔ na na yu, kelee na Fɛfɛɛɛ Munaa l'a loolodaa la kan wee mu, weefɔɔ ya yaa wu li cɛ na ye nɛ yu ge, na Kafɔɔ wo nɔmɛhɛɛ ki nɛ kii.

³⁸ Ga wufɔɔ bu bye w'i ya sɔɔ pe jomɔ pe na wɛ, yi bɛ ganha bu wufɔɔ jate wɛ!

³⁹ Ayiwa na cebooloo, y'a yaa y'a kaa lemu shaa xuuni ge, lee li wa mɛ. Na jomɔ nuri Kilɛ nɔ na na dorogo sipyii mu. Wa bɛ ba yu shi watii jomɔ ni, yi ganha bu weefɔɔ bɛ naha kɔn wɛ.

⁴⁰ Ga yi da keree ki bɛɛri pyi ki kacɛ na, ki bɛɛri di da byi k'a se ki pyeganɔa na.

15

Yesu nixhugo ki nɛ nɛ keree

¹ Ayiwa na cebooloo, nɛ Kilɛ Jozaama pemu jo yee mu ge, pee pemu na yee ya sɔɔ na gori yaha pu ni ni lowaa ni ge, n'a yi funyɔ tirige pee na sanha.

² N'a yi kalaa pu ni kalaagana lemu na ge, yi ba pu koro nɔari na sahanɔ ni lee kalaagana li ni, yi na nɔuwuro ta pu baraga ni. Li ba foro lee ni, yi na yi wo n'a daa wu pye tawaga ni.

³ Nɛyɛ pyaa ya kalaa wemu ta wee di nɛ kalaa wu nɔgbɔhɔ ge, wee ni nɛ fɛnhɛ yee kalaa. Wee wu wa

* 14:34 Zhenɛzi 3:16

mε. Wèe wo jurumu wuu na Kirisa ya xu ma na jo ba l'a ka Kile Kafila wu ni wε.

⁴ A p'i wu le faɲa ni. Wu caxhugo caɲa taanri wogo ki na, a wu ɲε na foro xu ni ma na jo ba l'a ka Kile Kafila wu ni wε.

⁵ Wu niɲεɲε na, w'a wuyε she Pyεeri na, lee kadugo na na wuyε she wu tudunmɔɔ ke ni shuun wu na.

⁶ Lee kadugo na, cebooloo n'a daa fεε piimu ya wu pinne ɲa shiizhan ge, pee ya ɲεε sipyii xhuu kaguro (500) na. Pee niɲεhemεε wa sanha ɲi na niɲaa we be ni. Ga pii wa xu pu ni.

⁷ Lee kadugo na sanha, a wu wuyε she Yakuba na, na wuyε she wu tudunmɔɔ pu bεeri na.

⁸ Lee bεeri kadugo na, a wu wuyε she ne Pɔli be na, ne wemu wu ɲε ba pya ɲε wε, wemu w'a se na ta wu laa ya lε-ε ge.

⁹ Bani ne wu ɲε Kirisa wo tudunmɔɔ pu bεeri nifenhεfenhεnε. Ne bi yaa be yεre p'a na pyi Kirisa wo tudunmɔ wε, bani ne Kile wo n'a daa fεε pu kanha shen xuuni.

¹⁰ Ga sipya wemu ne ɲε ge, Kile wo niime wu gbɔɔɔ ni ne ja pye wee sipya we. Wee niime we Kile ya kan ne mu ge, wu ya ta pye la ɲɔbaa wo bada wε. Bani ne na ja jo ne labye pye na toro Kirisa wo tudunmɔɔ pusamaa bεeri taan. Ga neyε pyaa wo fanha kaa ya lee pye wε. Kile wo niime wemu wu ɲε ni ne ni ge, li can koo ni wee w'a lee pye.

¹¹ Lee wuu na, w'a pye ne yoo, li shiin ya pye Kirisa wo tudunmɔɔ pusamaa yoo, lee yεrenunɔ le wèe wa byi, lee na yee di wa dà.

N'a daa fεε pu nixhuyo yi wo ɲε wu keree

12 Ayiwa, wee tuun wu ni wèe bi jε na lee yeε li pyi na jo Kirisa ya jε na foro xu ni, naha na pii di wa yu yee ni sanha na xujεε da ba bye niga na-ε wε?

13 Xujεε bu da li da ba bye can na wε, wee tuun wu ni Kirisa ye pyaa ki bε ya ta jε na foro xu ni shiin wε.

14 Li shiin bi jε mu can na, na Kirisa ya ta jε na foro xu ni wε, wee tuun wu ni jujε jε wèe wo yeε li na wε; a yee wo n'a daa wu bε di bye jujε baa.

15 Na fara lee na, ni xujεε li da ba bye kunni wε, kafineye wèe ya dεri Kilε na, bani wèe wa yu na w'a Kirisa jε na yeege xu ni, na ta w'i ya lee pye wε.

16 Bani xuu pu bu da pu da ba jε niga na kunni wε, wee tuun wu ni Kirisa ye pyaa ki bε ya ta jε na foro xu ni shiin wε.

17 Li shiin bi ta nago Kirisa ya jε wε, wee tuun wu ni yee wo n'a daa w'a pye jujε baa, a yi jurumu wu bε di nɔhɔ kori yaha yi jujε ni.

18 Na fara lee na n'a daa fεε piimu bεeri p'a xu, na pu yaha Kirisa nɔhɔ ni ge, pee bεeri ya piin fo wà.

19 Wèe bi ta wèe ya Kirisa pye wù tadaɲa ke koɲɔ ke wo niifεε te ye nigin wuu na, wee tuun wu ni wèe pu jε ke koɲɔ ke wo sipyii pu bεeri wo jaa fεε.

20 Ga li can koo ni Kirisa ya sii jε na foro xu ni. Kilε ya wu jε, piimu p'a xu ge, na wu pye pee wo shenshiime, na li shεε na pee bε na ba jε na foro xu ni.

21 Bani ba xu ya jé koɲɔ puga shen nigin keɲε kurogo wε, mu xujεε li bε ya pye shen nigin keɲε kurogo.

22 Ba sipyii pu bεeri ya xhuli pu ni Adama wo karijεεge ki funɲɔ ni wε, mu sipyii pu bεeri da ba

ne pu ni Kirisa wo kariɲeege ki funɲo ni.

²³ Ga wa beeri ni wu wuu tuun wu wa, wa wuu beeri ni li koro. Kirisa w'a pye li shenshiime, lee kadugo na piimu pu ne Kirisa wuu pu ge, wu ga ba canja kemu, pee be na ne.

²⁴ Lee kadugo na taaxoo li na no. Kirisa na ba ɲuɲo feere ti beeri, ni fanha ki beeri, ni sefeere ti beeri kyeegei wee tuun we ni, na saanra ti kan To Kile mu.

²⁵ Bani li waha l'i waha, Kirisa ya yaa na saanra ti pyi fo Kile ba she wu pen pu beeri tirige le wu tooɲo noho ni.

²⁶ Pen wemu wu ne kurogo wo wu ge, wemu na ba gyeegei pen pu beeri kadugo yiri ge, wee ne xu.

²⁷ L'a ka Kile kafila wu ni na: «Kile ya yanmuyoo yi beeri tirige le wu tooɲo noho ni.»* Ga li na ka na Kile ya yanmuyoo yi beeri tirige le wu tooɲo noho ni, lee wa li shee na yanmuyoo yemu beeri Kile ya tirige na le Yesu tooɲo noho ni ge, na Kile ye pyaa be niɲe ki ne yee ni we.

²⁸ Yanmuyoo yi beeri ba ba dirige le Kirisa tooɲo noho ni tuun wemu ni; wee tuun wu ni, Kile wemu w'a yanmuyoo yi beeri tirige le Jafoo wu tooɲo noho ni ge, Jafoo wu be na wuyee tirige wee mu. Lee funɲo ni Kile na bye yanmuyoo yi beeri ɲuɲo ni.

²⁹ Ayiwa, li bu da nago xunenɛ da ba bye ɲiga na we, wee tuun wu ni, piimu p'a puyee batizeni xuu wuu na ge, pee di da ba naha ta lee ni we? Li bu sii ta nago xunenɛ da ba bye bada we, naha na sipyii di puyee kaan pu na batizeni xuu mu we?

³⁰ Weeye pyaa kii be do? Ni xunenɛ da ba bye we,

* 15:27 Zaburuu 110:1; Zaburuu 8:7

ɲaha na wèe bε di wùye leni farati keree ni tuun bεeri ni wε?

³¹ Caɲa caɲa nε na shε nayε le xu kpaan ni. Can wu ɲε wii na cebooloo, lemu na nε ye yu yee mu ge, lee li wa mε. Wù Kafɔɔ Yesu Kirisa wo kariɲεεge ki funɲɔ ni, yee p'a nε wo ɲunɔ ki yirige.

³² Nε pεen piimu pu bye nε feni ba yacoyo ɲε wε, Efese kulo li ni ge, zhaanra temu nε le ni pee ni ge, li bu da kanna sipyii yε wo ɲεɲaa na nε lee pye, leke lee di da ba ɲɔ nε na wε? Xuɲεnε bu da li da ba bye wε, wee tuun wu ni: «W'à li, wù da gbuu, bani ɲiga na w'à da xhuu.»*

³³ Yi ganha ba yiyε faanna-ε dε! «Kariɲii niguumɔ w'a zɔsaama kyεεgi.»

³⁴ Yi fungɔnyɔ ta sanha, y'i jurumu wu ɲɔ yaha, lee l'a saha! Bani pii wa wà yee tε ni, pee ya Kile cε wε. Nε ye yu yi mu, kɔnhɔ y'i li cε na yeeyε pyaa wo shiige ki wa kere.

N'a daa fεε pu wo ceepuuro nivɔɔ ti keree

³⁵ Ga wa na ba yege na xuu p'i da ba ɲε ɲεgana leke na wε? Na ceepuuro teke tuugo ki da ba bye pu mu wε?

³⁶ Yee ɲε fungɔnyɔ baa fεε dε! Ma bu yashi nugi, wu ya fɔnhɔ wε, wu da ga fin wε.

³⁷ Ma bu yashi le ɲiɲε ni, shinma tuugo kemu wu ma ba bye ge, ma ɲε ma da kee shinma tuugo ke wo shinma kaɲa nugi wε. Ga kee shinma tuugo ke wo shinma pile ma ma nugi. Li na já bye kalapile, kelee yaaga katii wo pile.

* 15:32 Ezayi 22:13

38 Shinma tugo kemu k'a taan Kile mu ge, w'a li fin na pye kee shinma tuugo ke wo tige. Kile ya yashi we beeri pye wa beeri ni wu tuugo tige.

39 Ali ni yanmuyɔ ye ye pyaa be, yee be wo ceexaara ti ne nigin we. Sipyaa ceexaara ne ti ye, yapɔrɔgɔ be wo ceexaara ne ti ye, shazheere ceexaara ne ti ye, fyaa be ceexaara ne ti ye.

40 Ya be ne wà fugba yanmuyɔ, ya be di ne wà niɛ yanmuyɔ. Ga fugba yanmuyɔ ye, yee wo saana li ne li ye, niɛ yanmuyɔ ye, yee be wo saana di ne li ye.

41 Caɲa ke wo saana le wa li ye, yeɛ ke wo saana le wa li ye, wɔrɔɔ ki be wo saana le wa li ye. Ali wɔrɔɔ kiyɛ pyaa be wo saana li ne nigin we.

42 Mu shiin xunene li be di wa. Sipyaa ceepuuro ti ne ba shinma pile ne we, ti bu le niɛ ni t'a fɔnhɔ. Ga ti ba ne, ti da vɔnhɔ nige we.

43 Ceepuuro ti ma le niɛ ni na ti ta ti naha ya kolo, ti fanha be d'a xɔ, ga ti ba da ne, t'a ne ni baraga ni. Ti ba da le niɛ ni, fanha ne ma bye ti ni we, ga ti ba da ne, t'a ne ni baraga ni.

44 Ti ba da le niɛ ni, sipyaa ceepuuro nidiire ti ma bye tii, ga ti ba da ne, Kile Munaa na jé ti ni. Ba l'a fiinne na jo sipyaa ceepuuro nidiire wa wà we, mu shiin li wa na jo Kile Munaa ya ceepuuro nivɔrɔ temu be kaan ge, tee be wa wà.

45 Lee wuu na l'a ka Kile Kafila wu ni na: «Kɔɲɔ shenshiime we, wee wemu w'a pye Adama ge, Kile ya wu yaa, na niifere munaa le wu ni, na pye sipyaa.»* Ga kurogo wo Adama we, wee wemu wu ne Kirisa ge, a Kile di wee pye munaa, lee lemu l'a ni sicuumɔ kaan ge.

* 15:45 Zhenzi 2:7

46 Wemu w'a fenhε pa nahā na ge, wee ya ta pye munaa wo wu wε. Ga ceepuuro wo wu w'a fenhε pa nahā na, lee kadugo na a Munaa wo wu na pa.

47 Sipyā nizhiimε we, niηε puuro ni w'a foro, wee ηε niηε wo. Sipyā shuun wo we, wee wemu wu ηε Kirisa ge, wee ya yiri fugba we ni.

48 Piimu bεeri p'a foro niηε puuro ni ge, pee bεeri ηε ba niηε puuro wo wu ηε wε. Piimu bεeri pu ηε fugba wuu pu bε ge, pee bε na ba bye ba fugba wo wu ηε wε.

49 Ayiwa, wemu w'a yāa ni niηε puuro ti ni ge, ba wee wo jaa ηε mε wēe na wε, wemu w'a yiri fugba wu ni ge, mu wee bε wo jaa da ba bye wēe na.

50 Na cebooloo, yemu na giin di jo ge, yee yi wa mε. Ceepuuro temu ya yāa ni ceexaara ni shishan ni ge, tee da ga já jé Kilε wo saanra te ni wε. Yaaga kemu k'a fōnri ge, kee da já bye ya fōnhōbaaga wε.

51 N'a da kaηmōhōnō la jo yi mu. Wēe bεeri wa da ba xhu wε, ga wēe bεeri pu da ba ηeri

52 taapile nigin funηō ni, ηεkoronō nigin funηō ni, maga ki saηa mεε li ba foro tuun wemu ni. Kee maga ki mεε li ba foro tuun wemu ni, xuu pu da ηε, na bye ni ceepuuro nivōrō ta ni, temu ya fōnri wε. Lee na ba wēe piimu ta ηi na ge, wēe na ηeri, na bye ni ceepuuro nivōrō ti ni.

53 Bani li waha l'i waha, ceepuuro temu ya fōnri ge, tee ya yaa na ηeri pye ceepuuro, temu ya fōnri wε; ceepuuro temu ya xhuli ge, tee ya yaa na ηeri na pye ceepuuro, temu ya xhuli wε.

54 Ayiwa, tee ceepuuro te t'a fōnri ge, tee ba ηeri na pye nivōnhōbaara; tee ceepuuro te t'a xhuli ge, tee ba ηeri na pye nixhubaara, wee tuun wu ni

jomɔ pemu p'a ka Kile Kafila wu ni ge, pee ɲɔ na fa na: «Se ya ta xu na, na wu xɔ fɛɛfɛɛ.»*

⁵⁵ «Ɛ xu, mii mu wo sefɛɛɛ t'i ɲɛ wɛ? Ɛ xu, mii mu wo sɔɔnrɔ t'i ɲɛ wɛ?»*

⁵⁶ Jurumu baraga ni xu ya fanha taa na sipyii nɔni, Kile wo saliya we, wee di fanha kaan jurumu bɛ mu.

⁵⁷ Ga baraga k'a dɛri Kile na, wee wemu w'a se kaan wɛɛ mu wu Kafɔɔ Yesu Kirisa mɛgɛ na ge.

⁵⁸ Lee wuu na na cebooloo na taanɲiinɛɛ, yi la le yiyɛ ni y'i lowagaa ta! Yi da se ɲaha na tuun bɛɛri ni, Kafɔɔ wo kapyɛɲɛɛ ki ni! Yi li cɛ na labye wemu y'a byi Kafɔɔ mu ge, na wee da ba bye tawaga wo bada wɛ!

16

P'a wari wemu pinne di zhe Zheruzalemu n'a daa fɛɛ pu tɛgɛ ge

¹ Ayiwa na cebooloo, wari wemu y'a da ba binne, na wu yaha kari Zheruzalemu wo Kile nagoo pu wo dɛgɛ kaa na ge, yi la le yiyɛ ni yi wu pinne na saha ni na wo nijoyo yi ni, n'a yemu jo Galasi wo n'a daa fɛɛ pu mu wee wari wu pinneɲana na ge.

² Ba Dimazhi bɛɛri ya nɔ wɛ, lemu li ɲɛ wemu wo se ge, yi bɛɛri ma kee wolo wolo yaha kabanugo na na saha ni yi wo lada wu ni, kɔnhɔ di ga nɔ wà tuun wemu ni, yi ganha bu da yiri da wu shaa da binneɛ wee tuun wu ni wɛ.

³ Di ba ba nɔ wà tuun wemu ni, sipyii piimu ɲaha y'a da ba bulo ge, di sɛmɛ kan pee mu, y'a lemu pinne ta ge, p'i she lee kan Zheruzalemu ni.

* 15:54 Ezayi 25:8 * 15:55 Oze 13:14

4 Li ba she da nago l'a naye pyaa ki be kashεε xɔ, na be na binne zhe ni pu ni.

Pɔli na ba naagaa kiimu pye ge

5 N'a da ba she Masedɔni shεen perεgi, di na zhe foro yi na. Bani Masedɔni fiige ki ni n'a da ba doro.

6 La wa la ni n'a da zhe piiye pye yi mu, kelee na she wiire ti beeri pye yi mu. Wee tuun wu ni, yi na ba ja na tεge, na na lɔ nɔ na tashεge ni.

7 Bani na funɲɔ wa di ba she yi na ye di doro le tɔɲii le ni we. Ga na funɲɔ ki wa di ba she tuun wa ta wà yi yiri, ni Kafɔɔ w'a sɔɔ na lee koo yaha kunni.

8 Ga lee be na n'a da gori Efese kulo li ni fo Pantekɔti wu wo Kalene li ba nɔ.

9 Bani Kile w'a kuɲɔgbɔɔ la mugì wà ne mu na wo labye wu kaa na, ali na li ta na pεen pu be ya nehe.

10 Timote bu nɔ wà yi na, yi wu co xuuni kɔnhɔ wu ganha bu fya we. Bani Kafɔɔ wo kapyεε wu be ya byi ba ne ne we.

11 Yi ganha bu da wu cεεne-ε de! Yi wu tεge wu guri pa nɔ na na naɲiɲe na! Bani ne wu ni cebooloo pu sige.

12 Wemu wu ne wu ceborona Apɔlɔsi ge, ne kunni ya sii wu keme neeri jo wu pinne ni cebooloo pu ni wu she yi yiri. Ga nime wo zhe wu ya ta pye wuyε pyaa nidaan we. Wu ba tuun watii ta wemu ya wu faha ge, wu na zhe.

Jomɔ pu taxɔgɔ ni fɔ mujuu

13 Yi kori yaha ni na! Yi n'a daa wu co ni lowagaa ni! Samɔhɔɔ ti pye yi ni! Yi bye ni baraga ni!

14 Y'a yi kapyegge ki beeri pyi ni taan neεge ni!

15 Na cebooloo, y'a li ce na Sitefanasi ni wu puga sheen pu ni, na pee p'a pye Akayi fiige ki n'a daa fee pu shenshiilee. Y'a li ce na p'a puyε kan xuuni fεfεεε sipyii pu wo dεge wu kaa na. Wee tuun wu ni n'a li shaa yi mu jo

16 y'a yaa na pee sipyii pii shi wo ɲɔmεhεε conɪ, piimu bεeri p'a pu tεri wee labye we na ge, na fara pee bε na.

17 Ayiwa Sitefanasi, ni Fɔritunatusi, ni Akayikusi, pee na pa foro nε na naha, lee ya taan nε ni fo xuuni. Yee baara ya nε fɔ lemu ni ge, p'a pa lee ɲɔ fa.

18 P'a nε luu ɲiɲε, na yee bε logoo ɲiɲε. Y'a yaa na pii sipyii pii shi shaari pu saama pu na!

19 Azi fiige ki n'a daa fεε p'a yi shaari. Akilasi ni Pirisili, ni n'a daa fεε piimu p'a puyε pinnεε pee kaban ge, pee bεeri ya yi shaari xuuni Kafɔ wo kariɲεεge ki funɲɔ ni.

20 Cebooloo pu bεeri ya yi shaari! Y'a yiyε shaari ni fεfεεε taanɲεεge fo ni!

21 Nε Pɔli yε pyaa k'a we fò we wo kama pu ka na keye yi na.

22 Sipyaa wemu wu ɲε Kafɔ kaa ya dan ma ni-i ge, Kilε wu ma laɲi. «Maranata» lee kɔri ɲε «Wù Kafɔ, pa!»

23 Kafɔ Yesu wo niime we wu kori yaha ni yi ni.

24 Yee bεeri kaa ya dan nε ni Yesu Kirisa wo kariɲεεge ki funɲɔ ni.

KARINĒĒGE NŌMĒE NIVONŌ
New Testament and Shorter Old Testament in
Senoufo, Mamara

copyright © 2014 Wycliffe Bible Translators, Inc.

Language: Mamara S noufo (S noufo, Mamara)

Translation by: Wycliffe Bible Translators

Contributor: Wycliffe Bible Translators, Inc.

  2014-08-10, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-03-17

PDF generated using Haiola and XeLaTeX on 18 Apr 2025 from source files dated 29 Jan 2022

85728ed7-78f8-58e8-8967-0e976c0c2423